

書毋得受理已有立法此無乃匿名書之例乎僉曰外面署名則未可謂匿名憲府之議為是 上問洪緒曰其書何樣署名且自己冤抑之事幾條洪緒曰但聞昌孫之言未見其書推覈與否必取旨然後取來考閱請鞫此人以戒後來從之○禮曹參判鄭陟撰兩界地圖以進 上曰予見地圖多矣今此圖最詳悉然欲為圖各官相距里數及相對地方須當細考如某官四面距某縣幾息幾里若以四方位未得正占其處則以十二方位泛鐵定之各其境內名山大川大嶺古關防古邑在某方某地亦不可不詳其令兩界各官尺量上送然後更參考校正○慶尚道行臺監察宋文琳啓本內知大丘郡事李甫欽擅除所部日守朴貴山本役使幹家事節制使辛叔晴國喪期年內私自聚軍畋獵枉刑獵軍李生致死叔晴及節制使辛處康卒判書辛引孫之妻俱受本鄉靈山官奴婢私自役使縣監趙寶仁亦以公賤私相贈與又李生致死根因不即檢舉推究請皆按律科罪命下司憲府傳教曰甫欽所犯自備村瓦造家但除



日守一人任使而已且本迂儒關於世事豈有入己不法之事乎○丁卯奉常寺提調安崇善啓凡祭享所供酒醕醬請先嘗味乃進命集賢殿考古制未得命勿先嘗○命兼軍器監正元益秀兼副正任孝明領匠人百名修補古軍器于紫門軍器○今本監提調考其勤慢每季月具啓修補之數然後藏之別庫○議政府據兵曹呈啓火炮軍國所重放射之法不可不習請自今本曹堂上同軍器監提調三軍都鎮撫每正月番則二月五月番則六月九月番則十月依各年受教度數習放從之○日本石見州大守宗盛久來獻土物

文宗恭順大王實錄卷第七



粹

文宗恭順大王實錄卷第八

六月戊辰朔

上諭

輝德殿行朔祭對馬島宗虎熊瓦遣可

知老時今甫等進香○御經筵○先是日官啓朔日日當食乃

命停朝市去刑罰陳救食之儀殿階侍臣分立以陰雨不見

上不出○諭各道觀察使曰今朔日食圓虧之狀圖畫以聞○議

政府據兵曹呈啓今辛未年中武科會試而不中殿試者請屬

別侍衛 上從之司諫院啓憲府欲推李澄石奪占梁山屯田

之事而不允請俵所啓 上曰事在赦前何必追論復啓云

澄石以其道節制使而請於邑宰其貪婪無忌莫甚又嘗與其

弟澄玉爭鬪得蒙寬宥今又不推則無所懲創臣等之請非必

欲抵罪欲還其田於本邑使知其非懲艾耳 上不允澄石澄

玉皆名將也然澄石貪鄙勤於營產澄玉清介自守澄石嘗謂

澄玉曰清白無福人別號也○集賢殿副提學辛碩祖啓臣父

引孫為承政院注書 世宗在潛邸親寫蘭竹八幅賜之臣謹

粧纈為屏以藏竊念至寶不宜留置塵間敢進 上曰御筆極



為神妙然聖性本不好著實所罕見遂命藏于內帑○議政府  
據兵曹呈啓各官守令抄壯實百姓稱為日守使客支待外濫  
役雜事弊固不貲因此軍額亦減請依官屯田奴婢例差等詳  
定留守府五十人大都護府牧官單都護府四十人知官三十  
人縣官二十人其餘數外日守則盡刷充軍又各官多抄平民  
定為螺匠以致軍額虧踈請依正統元年九月二十一日受教  
其不當次螺將并差軍役 上從之○己巳御經筵○移御忠  
順堂○訪社倉便否于慶尚道可者十二官否者五十四官議  
政府啓民之不願者居多且於各官皆置義倉以時斂散斂之  
之際只收本數不加一升若社倉則每年一石之息定為三斗  
數盈千石然後收耗米一斗其利害懸絕如此而十二官之民情  
願亦未可知也壤地褊小之邑則各村人民無往來留宿之弊  
既設義倉又置社倉則徒為煩弊耳義倉本無息米守令又親  
監斂散尚有高重收納之弊民且怨之况社倉斂散委諸社長  
則非惟斂散不以時或有高重收納盜竊耗欠之弊借曰社倉



之法朱子所行然時異勢殊不可拘泥遽試之十二官恐未可也觀察使則一道之事靡不詳知請姑從觀察使所啓限四五年試驗獨右議政南智以為社倉試驗臣於世宗時獻議今更思之雖三代之法未嘗無弊是則法非不善在人焉耳義倉之法可謂美矣然法久弊生勢之自然於其斂散之際民之生怨與夫守令監考冒濫之弊固非一端後日生弊非獨社倉為然請姑令十二官盡行試驗然後更議施行上從智議○議政府據戶曹呈啓今試驗社倉之法請於慶尚道十二官內除沿邊盈德染原兩縣外金山居昌永川慶山仁同新寧山陰知禮河陽軍威十縣先試之其看守人及戶數斂散節次勸勵條件令本道觀察使磨勘以聞後更議上從之○議政府據戶曹呈啓各道各官公須及衙祿田去乙丑年田制詳定所分州府郡縣改詳定今各官於詳定之外率多濫收但事在赦前不可追論請自今年上項詳定之外並以軍資收稅上從之○庚午視事輪對御經筵○上親製軍士衛領改制條件令都承



旨李季旬議于政府一甲士分五司每司各有五領每領各七

十人三十人為兩界甲士四十人為京中甲士或曰如此則在

百今加五十在前京中甲士八百今加二百故領俸出處為難

請每領定六十三人則兩界甲士每領二十八京中甲士每領

三十五如比則兩界甲士仍舊京得甲士一每當番五司內二

在前八百今加七十五人而已庶中乎中

司入直三司出番三司內分日巡綽一別侍衛當番一千亦分

屬於五司二十五領每領各四十一銃筒衛當番八百亦分屬

於五司二十五領每領各三十二人一防牌當番一千五百分

屬於五司二十五領每領各六十一人每領護軍三大護軍一

上護軍一一每領上護軍大護軍護軍并五遼兒內正職三遞兒

他務二遞兒一每領正職三遞兒內一率甲士一率別侍衛一

率銃筒衛一每當番五司內二司十領入直則護軍數三十一

司五領行巡則護軍數十五二十五護軍內初二更四護軍門外五護

軍一護軍丘史以攝六十一百五十名定之若六十不足則加  
設一百五十名何如僉曰祖宗成憲固難更改且新定陣圖  
雖以十二司分隸固無防礙今雖作五衛五部而定其額數然



分軍之時必有互相移定之弊姑仍舊待其弊生然後漸次更  
議何如但護軍除雜類加設兼護軍二十人為便又傳教曰欲  
加造火車何如僉曰前此定數則試驗而已若積之歲月必至  
齟齬無用請先多備材木臨時量宜加造○上御思政殿引見  
領議政河演左議政皇甫仁右議政南智左贊成金宗瑞右贊  
成鄭孝左叅贊安崇善及都承旨李季旬曰今設兼護軍或准  
職兼之或以五六品兼之何如僉曰不拘定例隨宜兼差為便  
上曰兼護軍皆屬中軍何如僉曰然上曰護軍則常時領  
軍巡行不可授雜類若上大護軍則雖除雜類無妨僉曰今每  
衛上大護軍各二人一以差可任之人一以差雜類則庶得兩  
全上曰內禁衛則本非護軍去官凡受護軍者皆作兼官何  
如僉曰然上曰若護軍有故而巡綽把門之任或闕則令上  
大護軍代行何如僉曰然上曰護軍給丘史何如僉曰更議  
以聞上曰東西兩界甲士專屬一領而除授何如僉曰未可  
上曰每領甲士除有故者實數不過十二三使護軍領之太



少若汰十二司合作七八司則所屬甲士數多故兩界甲士雖  
出赴防留都之數則不少矣僉曰更議以聞 上曰赴京監察  
令只到義州糾理勿令入朝何如僉曰莫若依舊 上曰定焰  
炳煇取之數令各官自備以納何如僉曰焰炳煇取所宜秘密  
仍舊為便 上曰外任堂上官并錄座目何如僉曰京外一體  
宜從京官例并錄座目 上曰今來陽里人除職何如僉曰未  
可○卒未視事輪對御經筵○傳旨司憲府曰自今宗學教官  
勤慢依各司例糾察○傳旨吏曹曰諸道節制處置使及已行  
堂上官守令並依他例錄座目○刑曹判書許訥嘗啓中外盜  
賊興行請令京中軍士作捕盜牌搜捕下政府議之河演皇甫  
仁南智以為宜如訥所啓金宗瑞鄭萃以為近來於京畿各官  
或遣軍卒捕盜然或有誤繫者拷訊之際不無愁怨刑曹漢城  
府義禁府皆禁盜之官捕盜條件亦為纖悉但官吏怠於奉行  
耳今雖別設捕盜牌其卒徒不及三司之使令其謀略亦下三  
司之官吏其聞見不若三司之耳目其不能發姦禁暴明矣但



晝行夜巡騷擾里閭而已給到賞職之請又從而起矣莫若申  
嚴各年捕盜之教而行之但五部管領畏盜報復緝需不告須  
令密告輒掩捕治罪則賊徒自不敢肆矣安崇善以為盜賊之  
行京都尤甚輦轂之下有此惡俗實為聖治之累臣嘗為刑曹  
判書照考至正條格有稱捕盜官捕盜率大明律亦云當該應  
捕弓兵一月不獲強盜者笞二十兩月笞三十三月笞四十捕  
盜官罰俸錢兩月弓兵不獲竊盜者笞一十兩月笞二十三  
月笞三十捕盜官罰俸錢一月大元 大明治盜甚嚴間用律外  
之刑尚不能禁故特置捕盜官與其兵卒臣據此獻議請加設  
義禁府郎官二三人除本府雜務以軍士各十餘人分屬稱為  
捕盜官使隨其所聞輒行搜捕能者賞之不能者罰之則彼亦  
以為已任常自盡心盜雖凶頑若聞設官捕盜之令則必自畏  
縮矣乃蒙俞允遂議舉行間有駁之者云以捕盜名官不可垂  
之後世事寢不行臣竊思之虞周之世化行俗美天下之人宜  
若盡為君子而猶曰寇賊姦宄亦曰詰姦慝刑暴亂則當時亦



有盜賊從可知矣然後之稱大平之治者皆曰虞周今雖以捕盜名官有何不可伏望 聖裁試可乃已 上曰姑從宗瑞等議行之數年而無效可從崇善議○壬申視事輪對 御經筵○左贊成金宗瑞嘗啓火車實禦敵利器固宜多造然積之歲久則或至齟齬可令備材善軋臨時加造於兩界防禦緊要處及下三道都節制使營亦宜造作預習 上曰然其備材事目及設置之處更議以啓至是僉議啓平安道朔州江界寧邊各十五兩咸吉道會寧鍾城穩城慶源各十五兩慶興富寧各六兩慶尚左右道都節制使營各二十兩巨濟南海泗川東萊熊神各十兩迎日寧海各五兩全羅道都節制使營二十兩順天興陽茂長扶安沃溝珍島各十兩忠清道都節制使營二十兩藍浦尊城各十兩 從之○議政府據兵曹呈啓銃筒宜常肄習請依正統十三年十二月初六日受徵旨令各道節制處置使嚴加點檢肄習除四箭銃筒外一銃筒八箭銃筒四箭長銃筒細銃筒則既以為不緊小神機箭則已曾革除唯三銃筒中神



機箭各十柄兩界則每年一度他道則二年一度放射肆習其  
銃筒看守之狀及放火肆習能否每當歲抄軍器監官吏糾摘  
銃筒箭日課之時並令糾理 從之○司憲府啓辛晉保託以  
補添軍須多畜魚鹽濫行贈遺招致外人及私妾子弟于營中  
公然供給船運魚藿于所居靈山及密陽妾家換米穀私用辛  
叔晴以一方統帥任情無忌國喪期年內遠離營鎮聚軍私獵  
濫刑害人若待畢推而後罷黜則轄門久虛防禦疎虞請並速  
改差 從之○承政院啓今罷西班牙十二司作五司此則大臣  
之所議定且與新陣法相為表裏然臣等以為 祖宗成憲不  
可輕改雖以十二司肄習新陣固無不可倘不得已而改之何  
汲汲於今日乎姑待明年大祥後改之何如 上曰卿等之言  
是矣然古有墨衰經而即戎者今觀射習陣固非時也然因邊  
境聲息不得已而為之耳若行之有益則不可不預備更議以  
聞李旬等復啓如有門庭之寇則墨衰從戎古亦有之今邊境  
稍有聲息固當鍊武然仍舊十二司鍊習固無所礙李旬又言



臣嘗啓十二司各有五領三領則以京中甲士二領則兩界甲士充差為便 上曰然則其二領護軍無有所領不可也然臣意以為每司各有五領三領護軍則擇可任者充差使統京中軍士二領護軍則以雜職充差若其雜職之人則本無管事如此為之何如 上曰此非予創意為之大臣議定前日左議政亦言宜務整齊軍士全以別侍衛鎗筒衛言之軍士不為不多然無統屬之人雖有冒名代身及不謹入番者誰能覺察是可謂整齊乎又官制或十司或十二司自古無定式且甲士祿俸先王亦言須當改之予非以 祖宗之法為非而欲革也但改其分數耳○癸酉諭咸吉道觀察使曰道內富寧穩城慶源鍾城等各官自海岸至海中十五餘里水色如和黃土前此都城內松花飛落因雨浮水面時人誤以為黃雨今海水變黃之說亦不無可疑其訪四邑海邊松木茂盛與否以啓○甲戌御經筵○全羅道茂珍郡京在所順城君諱左議政皇甫仁等上言臣等本貫茂珍郡昔新羅時置都督府列於九州之數入高



屢為光州牧後為化平府又復為光州牧土地之廣人物之繁  
冠西南諸州實全羅一都會也皆因牧使辛保安致死事降號  
為郡嘗上言陳訴竟未得申理 主上新登寶位誕布鴻恩一  
國臣民皆得蒙渙汗之澤而本郡緣一人曖昧之事舍忍鬱抑  
至二十餘年之久深可痛悶伏望許復舊號以開更新之路本  
郡留鄉品官及人吏等亦皆上言并下吏曹本曹與政府同議  
啓以盧興俊一人所犯而降號者至光餘年懲惡已久請復為  
光州牧 從之○下兵曹書曰初設甲士每於一領以二十五  
人為額然今兩界甲士抽出各領緣此每領人數或十三或十  
四其數不齊非特此也一領人數過少且別侍衛銃筒衛等以  
一般軍士元無統屬故或革面代立其同列尚不知也况本曹  
於衆多軍士何由而覺察乎又護軍闕內入直門上直巡綽等  
項宿衛之苦重於東班根隨則尚無一名情弊多端合行條件  
具錄于後一前此甲士每番上元額一千五百今加七十五人  
分五司

中軍義興忠佐忠武  
左軍龍驤右軍虎賁

每司各有五領每領各六十三人



內二十八人赴防兩界餘三十五人留京中一別侍衛番上一千亦分肄於五司每領各四十人一銃筒衛當番八百亦令分屬於五司每領各三十二人一防牌當番一千五百亦統於五司每領各六十一前此護軍數止六十今加十五大護軍二十四加一上護軍二十四亦加一每領護軍各三大護軍上護軍各一一每領上大護軍及護軍并五內領率三他務二一當番五司內二司入直三司出直三日相遼一出直三司內一司行巡初二更護軍四三更護軍二四五更護軍四門外護軍二都城門護軍三一攝六十一百五十加設分屬五司領率軍士者各給根隨人二毋得用於他處其他務者則毋給分肄五司攝六十有闕以他攝六十隨即充定一忠順衛六百分為二十四隊隊有正每隊分為五伍伍有長隊正伍長隊伍中擇職高者差定若後日或有故高者反卑卑者反高則隨職改差若一伍內有闕則須以新人差定毋令他伍人移差一七十五領之將各其領內如有冒名代身者有疾不堪從事者軍裝不實者有故闕



立者借人試才入格者常加點檢即報本曹

忠順

衛隊

一忠順

衛遼兒副司直六內三司正九內四副司正九內四司勇十二內六濟州子弟遼兒副司正司正二內一量減為半春孟朔為半夏孟朔相遼受職受祿秋冬孟朔同去官之數不耦而有奇數則於春孟朔或三夏孟朔或四相遼除職濟生院訓導遼兒司勇二內一風水學遼兒五內三仍舊相遼司勇二內一司獲別坐十一內司直一副司直一副司正一副司正一副司勇一圖畫院別坐遼兒二內副司正一副司勇一內醫院十六內司直一副司直一副司正一副司勇二倭通事三內司勇一醫員遼兒五內司勇一永除以上項除出祿俸給加設上大護軍及護軍蓋上之半草也政府據此以啓遂定制○開城府斷事官黃永祥上引見曰開城非京林外事甚難處且近來民多流亡其往勉之○傳旨兵曹曰新造懸門模樣送于平安道令於義州城門造排試驗○乙亥視事大司憲鄭昌孫啓守成之時多溺宴安故古人亦戒以詰爾戎兵然書曰文王罔攸兼于庶獄庶言



庶慎惟有司之牧夫是訓用違是以古之人主勞於求賢逸於  
任人今軍器監既專掌軍器而又於禁內修造軍器不責之有  
司而命宦官監督恐違文王罔兼之意宦寺之勢亦由此而鴟  
張也非特此耳又於禁內設正音廳冊房司礪局皆使宦寺任  
之多役工匠鑄字所專任書字則冊房正音廳可無也軍器監  
既掌焰硝則司礪局亦可無也請罷新設並付有司禮曹總判  
鄭陟亦啓曰修補軍器匠人令禮賓寺供給本寺奴婢數少皆  
於諸處支待此亦有弊 上曰正音廳則予當罷之禮賓寺供  
給之事亦改區處但修補軍器國家重事不可廢也我國境連  
賊穴每歲冬節聲息不絕其可泥古書高論而忘其陰雨之戒  
乎且中國則各司世掌其事故自以為己任無小懈弛我國則  
久任者只限三年其餘則或周年或數月遞代頻數故事多踈  
虞予命宦官使掌工役者無他以其常在左右悉知予意故能  
專心致力事無不成以司礪局之事觀之其功課倍於有司所  
監督遠矣况宦寺雖掌工役安有專權用事之理耶卿之意非



學指此事必以為此而不諫則漸不可遏故切切極言意甚美也然修補軍器所係匪輕不可已也左承旨鄭而漢啓 聖上軫慮令修軍器思患預防之意至矣其間瑣瑣小弊何足慮乎禮賓若難供給則抄定他司奴婢支給為便 上曰然○上曰八十以上良家老人宜以年齒多少加資賜爵以示老老之意且雖賤隸亦宜加爵古人以齒一並為達尊雖並賜爵何害於義○輪對○議政府啓內禁衛於侍衛軍士中最為昵近不可不精選近來難以猥瑣之徒多有不稱職者請令兵曹申明已曾受教妙選衣冠子弟之有武藝者差定如有武藝特異者加資從之○司憲府啓今命中官分掌都城四山松木臣等以為此非本無掌禁者也五負率山直分面典守兵曹糾其勤慢或陵夷本府糾之自有體統何必以朝官之任委諸中官請收是命 上曰此恭任事之例四山之木栽植已久而如彼其濯濯此典守者不用心檢察故耳是以命中官點檢然互相徃見則未能審知山木生植之狀故命中官有識者分掌之汝等未



知其實也復啓曰蠶室亦朝官所掌而令中官掌之又別置司  
酌局于禁中使中官任之今復如此則中官任事浸廣將來之  
弊不可不慮 不允○司憲府啓今有都城內動樂祀神者請  
依凡居父母喪匿不舉哀釋服從吉之律杖八十刑曹駁之以  
為庶人則已許釋服不可論以此律宜從末減 上從刑曹之  
議○議政府啓權孟慶殺人之跡已著此外亦豈無所犯今被  
劾已久防禦諸事必致踈虞須亟遞差 從之○丙子視事兵  
曹參判黃守身啓今方東作不宜役民以煇焯焯 上曰役匠  
人何如對曰此非一時之事將行永久雖役匠人其供給者率  
皆農民待秋為便○司憲執義申叔舟啓闕內二匠太盛請罷  
之 上曰修鍊軍器國之大事不可已也叔舟對曰是雖大事  
宜付有司何必闕內今聞聲息又非門庭之寇脫脫方與上國  
連兵未有一騎到江上是可知也况守成之世當以安靜斯民  
為先民不安靜則雖有甲兵不為用也臣聞頃者因北方聲息  
徵兵丁平安黃海兩道其元額軍卒逃匿及物故者大半名存



賈亡軍卒之踈虞如此而先治甲兵其可乎宜務安靜斯民使  
軍額日增然後繕修甲兵漸次整齊如是則庶得大體而本末  
並舉矣且人主所尚千萬人慕之一事雖微不可忽也近者  
上觀射觀閱好尚在武事朝士靡然從風或闔司託故不仕日  
以射侯為事將恐俗習不尚禮樂而專尚武勇末流之弊有不  
可救者今修補軍器亦當責成主司 上曰聲息亦以漸而至  
乎在若等迂闊高論之意以為如此當然也欲及事機當如是  
也叔舟對曰臣之所啓雖若迂闊自古明王不以迂闊之論而  
不聽其不付有司者為有司不能歟 上曰非也曰然則為體  
貌不中歟 上曰非也有備無患且欲速也叔舟曰我國四面  
受敵之地其備預之策實言官所當先啓臣等今日之啓亦非  
欲其廢之也但以軍器監自有官真提調苟嚴加檢舉則事無  
不濟何必置禁內軫 聖慮以代有司細瑣之事耶 上曰然  
則欲為國而不做一事歟對曰非也欲其不失大體耳今見一  
時小利而為之不可也 上曰安知其非大利也對曰雖有大



利較之以義不亦輕乎竟不允羣臣出 上謂左右曰武備不  
可不修今觀有司之意專欲不修也李季旬對曰有司亦非欲  
廢之也但以修於闕內為不可也 上曰宋朝武備不及漢唐  
故每有夷狄之患國家武備固不可不修亦不可專尚尚文而  
不修武備則有宋可鑑不修文德則又有秦隋予近日數觀射  
讀書者亦從而慕之多不好學是雖無志之士然亦尚武之漸  
也然一以鍊兵一以興學亦可當於後日親幸成均以勵學生  
鄭而漢啓誠如 上教武備不可緩也 上曰言官多以闕內  
修軍器為非蓋惡令宦官監之也然欲速成宜付此輩若付有  
司未易就也况此非大事雖使宦官監之何害且置闕內者非  
予欲造奇技也○輪對御經筵○左叅贊鄭甲孫以疾辭職  
上不允○富寧都護府使李多林辭 上引見賜弓矢曰咸吉  
道防戍最緊然軍卒精鍊則防戍無難多林曰是邑嘗為縣人  
物鮮少故徙南方鄉戶而入居曾不如土著之民 上曰武備  
莫如火藥及習射若能盡心則猶可禦侮且聞戶籍多漏丁然



推刷急遽則或致騷擾其悉予意○丁丑議政府啓曾以不雨  
命除諸道望前後所進膳物今雨澤已洽請復之 上曰時方  
炎熱姑徐之以待八月○對馬島宗彥七貞國遣人來獻土物  
○戊寅 上詣輝德殿上食○御經筵○司憲府上疏曰臣等  
近以闕內修軍器中官掌松禁等事有乖大體昧死塵瀆然  
天威嚴重敷陳無緒未盡所懷更將妄見以瀆 天聰臣等竊  
聞古先帝王之政必以委任責成為貴上不可以代其下下不  
可以勤其上若為上而親有司之事豈獨天下不可為一縣亦  
不可為也奚獨一縣一家亦不可為也非止乎不可為也將至  
人心解體百職廢弛如此而望治蓋亦難矣田子方嘗語魏文  
侯曰君明樂官不明樂音今君審於音臣恐聾於官也夫察於  
小者遺其大理勢之必然也陳平以欺詐佐漢高取天下及為  
相國猶不對獄訟錢穀之事曰上佐天子親附百姓使卿大夫  
各得其職焉况今以 聖明之主當有為之時而尚規規於小  
察以虧損大體可乎我國家昇平日久人不知兵武備解弛而



近者北庭不靜邊耗相繼是宜 殿下急急以精修軍械為先  
務也然既有軍器監而又於禁中置局聚工凡其所需無所不  
具以為久遠之計人皆謂 殿下必以掌者不勤不足以致多  
制作不精不足以適用急於速成乃有此舉夫設官分職各有  
所主秩然不相侵人主苟舉其綱不患目之不張故能垂拱而仰  
成若一朝不信有司欲一一別置而親之則非特不可為其傷  
大體也實為不小若其鳩工之擾調用之費實固不足論也所  
可惜者大體耳必欲安不忘危為桑土之計則不過申勅有司  
嚴其課程亦足以給不必紛紛至此也范祖禹論唐太宗教射  
殿庭以為教士卒習射有司之事人君即位不以教化禮樂為  
先務而急於習射志則陋矣雖征伐四克非帝王之盛節亦不足  
貴也教士卒猶論之如此矧繕治器械特工匠之事而足煩  
聖慮乎臣等又聞前日頻遣中官察視軍器監勤慢今既別置  
于禁中則其漸卒為中官之所監矣今者又命中官分掌京山  
禁伐松木此尤失體禁伐松木自有兵曹主之 殿下苟知禁



伐之陵夷則一下有司以治其罪可也不當察察如是也自古苛察左右以為聰明未有不反自蒙蔽且既有所掌則山直與掌曹責罰在其手招權使勢將無所不至矣此特小事耳且聖筭當有措置必不至濫觴然為萬世之計不可不為之慮竊觀此輩與事之禍實關運數而亦莫不有漸古今成敗聖鑑所悉今與事之端非一旦勢復鴟張其形已兆舉朝駭異殿下不可以微忽而輕之也大抵橫肆難制之人本無貴賤特在人主借之權耳其始也甚微似不足深論雖在英明之主亦或忽之其源一開末流不可復塞可不慎哉故善為國者每以履霜為戒防於未然念其遠者大者不計其近功小利劉向曰知人者主道也知事者臣道也主道知人臣道知事毋亂舊法而天下治矣今主上殿下誕承丕緒圖恢新政宜法聖帝明王先定規模以視所向任賢使能振厲百司各職其事省事除費勤恤民隱以厚其生漸而教之使民知所趨向則何往而不濟哉魏徵方唐初瘡痍未復北虜崛強之時勸太宗行仁義當時



孰不以為迂遠哉然行之不數年而治效已驗臣等非苟為迂  
遠不切之論誠以 殿下以上聖之資操可治之勢千載休明  
時難再得此臣等所以缺望而長嘆者也伏望 殿下長思遠  
慮亟罷二事以存大體不勝幸甚 上曰古軍器修補事已嘗  
面教復何言乎禁伐松木則勿復分掌但時令糾摘○左議政  
皇甫仁以咸吉道穩城鍾城修築邑城事目來啓曰本道之人  
已慣築城且有監司及都節制使監築臣今老病願勿往 上  
引見曰築城之事政丞當以死為限專掌布置何乃辭乎無乃  
以不從政丞之策而然歟對曰臣自 世宗朝厚蒙恩眷凡所  
營為悉令小臣掌之臣盡心為之不敢辭免今則年近七十衰  
憊無力恐不堪事 上曰此乃大事不宜辭免但今年則不遣  
宜在京布置若新設則不可不往仁曰今不築長城而築內城  
者以其有事變也達賊有大志必不猝入我境內外城子之築  
皆不可廢也且麟山郡不可革也小賊則疊入可也大賊來則  
雖疊入何益徒擾邊民而已莫若急築邊城以備防禦 上曰



若非可革之邑雖已革何難復乎仁曰京城亦宜隨圮隨築今社稷北城頽圯東小門亦未造宜令忠清道民造築上曰咸吉道築城軍則役穩城五千名鍾城四千名京城修築軍則役忠清道當領船軍令李命敏金自行監督可也命敏自行皆仁所薦也時命敏以凌辱讓寧大君所使之人罷黜故薦之仁請築長城自為都體察使之後每歲而徃役咸興以南之民築之北方蕭索自此始本道之民不堪其苦有題詩路傍云皇父孔聖城彼朔方哀我人斯亦孔之邛○東宮自是日講書于友善堂蓋避暑也○己卯視事輪對御經筵司經尹起猷尹子雲啓經筵所藏書或但有一二件請加印上曰用鑄字印出則難矣將欲市之中朝其抄錄以啓○集賢殿啓小豎文仲善使別監賫烏梅牌來傳旨云通鑑總類聽冊房取去臣等云宣傳非別監所任汝其回語仲善俄使人呼冊吏詰之云牌不足信歟如此則可無牌也汝終防傳旨乎官真親來聽去臣等謹考正統年間都承旨趙瑞康敬奉傳旨凡入內書冊俟宦官賫烏梅



牌宣傳方許入內以為恒式立法如此近來內史或不親來使  
別監取去臣等欲啓未敢况今仲善使別監宣傳已違大體又  
以臣等為非反加詰辱放恣至此漸不可長伏惟 上裁命憲  
府劾之○議政府據戶曹呈啓下三道都節制使例皆給祿獨  
平安道都節制使則以兼任守令之故不給祿誠為未便請依  
三道例給祿 從之○議政府據兵曹呈啓今遣人于京畿忠  
清全羅三道訪問兵船甲造單造便否其甲造之船果得良匠  
依中國體制精巧製造則蠶不能食牢固不毀誠為有益今則  
使拙工製造不如法故纔過十五年或未滿十三四年已至腐  
朽用功倍而反不及單造之利若其單造之船則所入之物不  
多且雖破毀若修補則可經數十年又其上粧可用于漕轉之  
船實為無窮之利請自今諸道兵船母令甲造並皆單造 從  
之○庚辰視事輪對御經筵○慶尚道清道郡有女震死○命  
議政府議 英陵碑陰錄 世宗朝名臣與否僉議啓曰自古  
未有無臣之主詩云子曰有疏附先後奔走禦侮必有賢臣而



後可以為國宜擇先朝有名輔相列之碑陰若其可錄者則  
非臣等所敢臆議上曰刻之可也卿等皆經承旨亦必并錄  
其棟擇以啓○辛巳命召左議政皇甫仁雲城尉朴從愚左贊  
成金宗瑞判中樞院事李巖中樞院使李澄石金孝誠仁壽府  
尹金允壽同知中樞院事李思任工曹參判朴好問議造槍劔  
長短之宜○諭咸吉道都節制使曰今送真絲弓弦一千條其  
勿費用分與軍士○壬午上詣輝德殿行望祭對馬島石見  
州守宗盛久進香○御經筵是日所講大學衍義皆歷代官者  
善行同知經筵李思哲啓古昔宦官忠勤之事請錄為一書令  
內侍輩讀之上曰太宗時嘗有此書既而出內臣傳一帙  
令直集賢殿成三問校正即大學衍義中論宦官忠勤之條也  
○命召唐城尉洪海知中樞院事洪約花川尉權恭同知中樞  
院事河漢僉知中樞院事李宗睦行上護軍申貴僉知中樞院  
事趙由禮康純等議造槍劔長短之宜○咸吉道都節制使李  
澄玉啓李滿住言於慶興伊沙山住女真朴伊泰云予欲取白



頭山北南羅耳夫尼衛或慶源地訓春居之命召議政府議之  
諭澄玉曰滿住如欲來居旁近或親來或使親信人誠心請乞  
則啓達區慶○傳教春秋館曰唐書曆志宣明曆氣朔數歛日  
躔月離皆因大衍舊術畧漏交會則稍增損之大衍曆既備著  
于志故宣明曆不復備載而其所載者特其異於大衍者耳今  
書雲觀所藏宣明曆文多脫誤今欲正之則不可不據大衍然  
以大衍而正宣明之誤則兩曆數率名稱不同故只可祖其法  
而不得用其文也不用其文則為牽補之文不改正則亦為不  
完之書矣或曰史闕文尚矣若欲改正則未免附會之弊不若  
存其舊以示傳疑之為愈也或曰高麗盛時所用必有全文如  
授時者而今此脫誤者乃後人承用之訛耳今修一代曆志而  
不追正其誤使其成法欠而為不完之書則不可也况其改正  
也既據大衍則亦非無據宜改正以備一代之史或曰宣明曆  
本非我國所撰而其文已備於唐書今宜不別作志而只於天  
文志序歷叙承用本末若曰曆法初用宣明曆至某代改用授



時而其文備載於唐書及元史不別作志則為不沒其實而亦無更改附會之弊矣其共議之知館事金宗瑞同知館事金鉅李先齊編修官辛頌祖等以為唐書所載宣明曆曆持紀其異於大衍者耳今書雲觀所載宣明曆其規模與唐書不同且授時曆別有假法亦與元史所載異二書雖非我國所撰然當時既已承用後世據以參考者悉多有之以為盡載古史而不取之則誠為欠事况典籍易以散逸豈若備載國史是則庶不失史家傳疑之義亦無改正附會之弊矣知館事鄭麟趾以為臣意以第三或說為當然本國宣明交食法授時曆要皆出於書雲觀相傳承用不無舛誤恐不可傳示後世 上從宗瑞等議○司憲府啓黃海道察訪李伯善以胡麻獐皮兩具等物賂吏曹判書權益孫事覺請遣吏拿來鞠之 從之○癸未視事御經筵檢討官河緯地啓功臣有罪者或未可專釋則例皆付處然杖八九十之罪在他人則贖之在功臣則付處付處無歲月之限故或有年久而不得返者數年流離之苦比之收贖懸絕是功



臣之受罪及重也以罪之輕重而定付處日月何如上曰付處從自願而遣之非罪之也若限日月如徒年之例則是罪之也付處者果或有年久未得放者此意則承政院已知之矣緯地復啓國家令兩色白丁與平民雜處慮後患也然白丁平民不相婚嫁各自區別在大平之日固無足慮脫有變故則必羣聚作亂以往者紅賊倭寇時事觀之則可知矣宜申明其法使與平民婚嫁又本國道途遠近山川險易勿令敵人知之實為遠慮國家以倭客往來常由一路則各官迎送之弊不貲故曾定三路若其支待之弊稍弛矣實非所以示敵也當由一路往來勿令遍觀若以為一路送迎之弊深則蠲其雜役可也 上嘉納之○傳教承政院曰秋節習樂大臣之議已定河緯地言三年之內不可習樂今聽小儒之言輕改未便卿等之意以為如何右承旨李崇之右副承旨姜孟卿同副承旨閔騫等以為合奏習樂則固不可也今以獨調而習之非為歡樂但欲其不忘耳况上國使臣倘來則期年已過不可不用若欲



不習須議諸大臣命議諸政府以啓○命名司憲掌令羅洪緒  
曰度僧之禁曾限本年十二月今無乃叅吏拿無牒之僧而推  
之乎洪緒對曰雖不為僧人叅吏僧人偶自犯禁則必拿来問  
自願皆願歸俗而無一欲納丁錢者 上曰已有定限不必違  
限而推之其以此意諭外方洪緒啓曰本府曾奉定限之教移  
文各官云境內無牒之僧幾人自願歸俗者幾人願納丁錢者  
幾人寺社幾區幾間置簿回報今及諭勿推似為未可且其限  
內因他事犯禁者問其度牒有無歸俗納錢與否將何以處之  
上曰因他事犯禁者問之可也本府未可移文則宜下傳旨  
遂傳旨于禮曹曰曾下傳旨云度僧之禁著在令甲而奉行未  
至若不申禁弊將難救第慮遽爾行之騷擾必多姑寬期限聽  
其自首發還而不加刑罰或納丁錢則仍給度牒限本年十二  
月之晦其有至限不首及今後犯禁者一依六典及各年條教  
痛行禁斷今中外官吏不顧立法無牒之僧經行拘問有違定  
限聽自首之法無牒僧人若因他事而現則從願施行固其宜



也若於限前推劾度牒有無勒令區處則不可為也其諭中外咸使知之○議政府據戶曹呈啓銅鐵多產於慶尚道寧海府故曾減本邑貢物使專掌吹鍊以為常貢今本邑人民等狀告銅鐵雜於巖石掘取甚艱且吹鍊諸事本邑獨辦力役太重難堪請還所減貢物令附近盈德青松真實清河興海等官同力吹鍊以貢其盈德都會吹鍊上納正鐵令其道監司量定鐵場都會慶州安東蔚山陝川龍宮山陰等各官吹鍊以貢從之○司憲府劾洪濟院幹事僧希坦竺晶假托石佛誣惑士民請並科斷命勿論希坦罪竺晶從自願還俗○甲申視事輪對御經筵○傳旨禮曹曰前下教云無度牒之僧限今年十二月推劾歸俗然牟老者並令開剃實為未便其年滿五十五歲者雖無度牒並勿歸俗○右副承旨姜孟卿將安完慶上疏啓才人水尺本無恒產相聚為盜近因外方防禁甚嚴皆入都下結無賴之徒盜竊漸不可長請悉搜索勒還舊居上曰凡外民之入京者不立禁防獨區別此輩則或致怨階亂况以聽與平民



婚嫁乎議諸政府以啓○乙酉視事輪對御經筵○議政府據  
戶曹呈啓封裹 文昭輝德景禧殿供進物膳之紙歲率四百  
八十卷盡令奉常寺奴隸備之非唯不淨潔其收納之弊不貲  
請以奉常寺奴婢貢餘楮貨定數以備 從之○丙戌視事輪  
對御經筵○咸吉道都節制使李澄玉進箋謝賜衣服及官其  
子胥箋曰介冑微勞奚裨文明之治乾坤大度特霈渙汗之恩  
糜粉難酬佩銘曷已伏念臣猥將庸質幸際昌辰職忝柳營顧  
之絲毫之小補雲深璿極敢望雨露之洪私誕頒在笥之珍丕  
示中心之貺又令子胥並被陶鎔寵光若茲前昔所罕茲蓋伏  
遇心敦育物德懋仁民憐臣固守封疆憫臣曾失配匹遂使賤  
未獲荷殊榮臣謹當朝夕惟寅益贊垂衣之化夙夜匪懈倍殫  
敵愾之誠○忠清道懷仁全羅道茂朱長水等縣人嘗上言願  
以傍邑犬牙相入之地割屬本邑至是議政府據戶曹呈啓不  
可聽理右叅贊安崇善獨以為臣嘗啓犬牙相入土地不均民  
瘼至重之由庭議以為事巨難行姑待豐年遂寢不行臣切憾



馬 世宗朝臣父純為忠清道賑恤使具犬牙相入之弊以啓  
 下教云片片越入之地各道監司巡行之際審定以聞於是遂  
 多改正若別遣朝臣分行諸道一時舉行則果事巨難行必待  
 豐年然後為之可也若監司巡行時漸次審定則何難改正民  
 弊至重而遷延不行人皆憤怨伏惟 聖裁 上曰崇善之議  
 亦然更議以啓僉曰崇善之議然矣然前此不割屬之時別無  
 巨弊且一開其端則申訴者蜂起雖或隨其所言一一改正亦  
 有如前之弊終復無益矣 上曰宜如僉議 ○初 上謂金宗  
 瑞等曰兵在主將節度旗鼓指揮應變無方予觀舊陣書有曰  
 某軍受敵某軍救之牽合不通改之可也遂親撰新陣法乃命  
 首陽大君及金宗瑞鄭麟趾等同加校定至是成 ○分數 ○大  
 將有五衛每衛各有五部共二十部每部各有四統共一百統  
戰一為駐步兵二統一為戰一為駐兵少而一統人四統之名不滿  
隊四統之名不可開兵多而一統人數雖過隊旅四統之名不滿  
可加五人為伍二十五人為一統人各統之名不滿  
衛之兵多於各衛中五人之兵多於各部皆在一時將略或騎兵  
多則騎統入數多不必均一每衛各有遊軍五領大槩以正軍十  
則步統入數多不必均一每衛各有遊軍五領分之二為遊軍



儼如正軍七千則遊軍為三千若以一隊為統則五衛之兵共

二千五百人而輜重僅從百執事之數不與焉其遊軍則一兵

則五衛之兵共一萬二千五百人其遊軍則五千三百五十五

每衛一千七十五人每大將令衛將衛將令部將部將令統將統

將令旅帥旅帥令隊正隊正令伍長伍長令其卒也此言令之簡

耳目屬於伍長伍長之耳目屬於統將統將之耳目屬於旅帥

旅帥之耳目屬於統將統將之耳目屬於部將部將之耳目屬於

衛將衛將之耳目屬於大將是故百萬為兵奇正相生而不用

所領不過於五階級之多所聽不過於一為兵奇正相生而不用

奇或用奇而不用駐戰無常兵相授或戰駐兵并出係將之

正或奇正並用駐戰無常兵相授或戰駐兵并出係將之

節度耳○形名○統將各有小標旗一應部將令也旗統將小

有令旅隊之旗旅師隊正亦各有應上令下領將各有有旒小

標旗一應遊軍將令也之旗十五有旒小標旗各領將又有有旒小

皆定旒然旅隊之數不預定故今各不錄金鼓同部將各有四色小旗各一為青為步戰赤

為騎戰令統將也中標旗一應衛將令也共十五中標旗二遊

軍將各有有旒五色小旗各一令領將也有旒中標旗一其各衛

之應衛將令也旗共二十五有旒中標旗小衛將各有五色小麾各一令

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將

部將也有旒中旗一令遊軍將也中招搖旗一召部將遊軍將



也大標旗一應大將令也共二十五小大將有五

色大麾各一令衛將也大招搖旗一名衛將也大標旗一即龍

也部將遊軍將衛將各大角一小角一大角各三十五大將大角二

小角二統將領將部將遊軍將衛將大將各鼓一金一燾一鼙

一鐸一鼓百六十旗有應有不至地而有指復起日

有報有揮大將應之麾有應有復起日有指復起日

則衛將麾有應有麾有應有復起日有指復起日

偃有舉各衛有事麾有應有復起日有指復起日

之令則復起日麾有應有復起日有指復起日

則既之復起日麾有應有復起日有指復起日

之用於復起日麾有應有復起日有指復起日

而鼓戰復起日麾有應有復起日有指復起日

鼙則鼓譟大呼鐸則肅整不譁○結陣式結陣有連

而一陣四衛各去其方則為連陣四衛合於陣餘例同○

步駐統排列向外彭排次手彭排今之防牌步戰統及戰駐



二騎統作運立其後而步駐統又於其後騎戰統隊亦隊

運向外遊軍在將後或隊左在將一時之制內陣四門外陣

八門內外門馬步兵守之然門數多○一衛獨陣○四部各居

四方作外方陣依式而結陣中部居中作內圓陣外每統相連圓列

重左步右騎前駐後戰此恒圓不變○合陣○若使兩衛合陣

主衛左衛就合前衛則前衛同疏其行以待之如主衛隊之行也

占地方一里而欲召四衛而合陣則主衛之四部各向其而退

衛而合陣則退半里二衛則一里三衛則一里半內陣疏行亦

以此例推然地之廣狹不可預定或疎或密當隨時勢故可容

必客衛而此法不客衛來合而各以其兵入屬衛將求合於衛將

軍將部將才合於奇將領將來合於領將來合於統將左

皆以其餘例同陣或使三衛合陣四衛合○五衛連陣○中衛因

獨陣按列不動為內陣四衛來居其面為外陣縱列前後衛則

外陣之橫列而各衛中則居內○小則一統獨陣大則五衛連

合而其軌皆同○五陣相生相克其來尚矣然教習實難故今

權從簡便但教以方陣可也若或因兵勢或因地形非但五陣



至如長蛇鶴翼

四統皆橫列則一部之成鶴翼陣也

四統皆縱列則一部之成長蛇陣也

四統

合而右列則一部

魚鱗鳥雲之形像變入無窮

四統承縫而列則

也四統各聚而陣則

專在將軍一時之制

騎兵二統內射槍

備焉大槩以五分之三為射五分之二為槍然當隨人長技不

必預定

至於銃劍亦當用之

步兵二統內弓銃槍劍彭排備焉而五兵之

數均焉然弓與槍劍則隨人之技加減不妨銃筒彭排則必從

定法又槍劍不備則斧椎亦可○大將點麾而成各衛之陣

直陣右點則成方陣前點則成圓陣

四大麾就合黃大麾則四衛來

合中衛成一陣

既合則但用黃大麾以下去若大將開大麾則衛

將建旗而出諸部將統將亦餘例同

各以次建旗其兵而從之

合三衛來合皆同此例若青大麾就合赤大麾則左衛來合前

衛赤大麾就合青大麾則前衛來合左衛他衛之開合皆同此

例若青大麾移立於白大麾之右則左衛移於右衛之右若青大

麾與白大麾相摠其位則左衛右衛相摠其處他衛之移摠皆

同此 ○令進退左右而不從者擅進退左右者皆斬亡章標者斬漏

軍事者斬降敵者沒其家與敵私交通者斬失金鼓旗角者



斬無故驚軍者斬將吏不平容私者斬更鋪失候犯夜失號止  
宿他舍者斬違主將一時之令者斬知干令犯禁而不揭者斬  
前吏棄其卒而北後吏能斬之者賞亡伍而得伍亡將而得將  
各當之亡伍而不得伍者罰亡大將則斬其衛將亡衛將則斬  
其部將亡部將則斬其統將亡統將則斬其旅帥亡旅帥則斬  
其隊正亡隊正則斬其伍長亡伍長則斬其五卒左右近卒不  
救者亦斬五兵不利者罰告有罪者賞○諸衛下營皆有分地  
明其界限將令不得通行菜薪芻牧者皆成行伍持標信者  
領行雖君使及軍中將命者皆持標信方許通行○諸營幕作食雞及早昏暗以後  
須即滅火○謹斥候明烽烟慎巡更坐更摘姦○營內不得高  
聲唱號○營外百步間立小堡積柴其上若夜賊至燔之使賊  
不得遁形○諸營百步外各著聽子每更相替以聽不虞若軍  
中夜驚則軍吏堅坐陣將持兵毋得喧譁動搖○凡軍行先使  
候騎以遊兵量前行二三里若有深林草木則舉青旗丘陵險  
阻則舉赤旗土封邑里隘窄則舉黃旗寇賊音色則舉白旗水



澤江河則舉黑旗若山川備則或馳人 ○凡行軍先行軍修

理橋梁泥淖開拓窄路後行軍捍後收拾闌遺量分其兵為護

輜重軍又令輕騎分行左右搜討幽隱 ○交戰時將帥正長斬

退者伍長斬伍卒隊正 ○章標 ○五衛之衆皆帖章標於胷腹

之間長六寸廣四寸用布帛 各從其衛之色至於旗麾之上皆

書其號并畫認獸 ○大閱儀注兵無常形而一時儀 ○其日左

右軍於教場相對布置五衛各成方陣若欲變陣則 大駕至教

場吹大角二大將各五衛將而誓大將吹大角五麾與招搖旗并

跪大將振鐸而誓 曰今行大閱以教人戰進退左右一如兵法

用命賞違命刑勉之衛將聽訖各還其衛以次傳令五衛將各

吹大角五麾及有統旗與招搖旗並立五部將遊軍將各點

各召五領將而誓統將領將 駕前吹大角點麾而成陣吹大角

受誓而去亦各以次傳令 駕前吹大角點麾而成陣吹大角

則左軍隨其所點而變成陣點白 駕前放火砲吹戰角指麾青

而指麾而作勇怯勝敗之形勢勇怯之勢三勝敗之形三駕前若

並立則大將點龍大旗 ○勇怯之勢一 ○左右軍結陣相當兩



陣相距三百步陣前各五十步立第二十步立各出戰統及遊軍

第一標又各五十步立第二十步立各出戰統及遊軍

指麾二大將各指龍大旗以應之吹戰角擊戰鼓指五麾又指遊軍

將旗五將各指標旗以應之吹戰角擊戰鼓指五麾又指遊軍

二戰統將各指標旗以應之吹戰角擊戰鼓指五麾又指遊軍

旗以應之吹戰角擊戰鼓指五麾又指遊軍

而進鼓譟大呼接戰統將至第一標立旗而擊止金則皆整立

皆整立騎丁統將又指旗擊戰鼓而進金則皆整立

鼓而隨進統將至第二標立旗而擊止金則皆整立

亦立騎而擊止金則皆整立

大呼騎馳卒奔乃進合戰領將則仍在後整立不動擊疾鼓

助勢諫不過六七步而退止齊焉則皆退二三步又擊止金則

整兵齊凡三進合戰而兩兵皆退每退二十餘步迴示賈勇之形

三進合戰而兩兵皆退每退二十餘步迴示賈勇之形

金則皆迴立整兵騎步皆弄槍揮劍揚弓舉矢示賈勇之形

駕前放火

砲吹戰角

赤麾又指遊軍

將亦指之旗

指標

許

皆整立

擊止金則

擊止金則

擊止金則

擊止金則

擊止金則

擊止金則

擊止金則

擊止金則



勝軍領將見負軍領將之進亦擊疾鼓若勝若敗皆遊軍殿後

搖軍領將而馳進與其統將并力急擊且防且退後還營勝

軍領將統將乘勝逐之到敵營示賈勇之形統將領將擊退金

退指旗而退二十餘步立旗擊止金迴示賈勇之形領將統將

又擊退金退指旗而退二十餘步立旗擊止金迴示賈勇之形

形於走統將先擊退金退指旗而退還營○勇怯之勢三○左右軍

領將亦擊退金退指旗而退還營○勇怯之勢三○左右軍

結陣相當客陣先出兵逼主陣出既應駕前指麾客陣大將依法

進去主陣五十步許擊止金主陣堅守不動主陣左右前三面

立旗搖擊則整立乎操踊躍主陣堅守不動主陣左右前三面

其衛三衛將各吹戰角點標旗以應之立四統之旗吹戰角擊

擊戰鼓四統將各點標旗以應之立四統之旗吹戰角擊

不得戰而退客陣領將統將不得戰主陣少出遊軍尾擊之陣

大將吹戰角擊戰鼓指青白赤三麾左右前三律各指標旗以

應之吹戰角擊戰鼓指青白赤三麾左右前三律各指標旗以

翼掩後擊之又出戰統大呼夾擊之

是客兵三不得戰而將還於

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右

軍又還八客兵又不得戰而將還於是主陣潛出奇兵張左右



軍及騎戰統於右後衛遊軍及騎戰統於左為兩翼疾趨掩後

搖擊鼓譟大呼擊之大將指青白赤三麾吹戰角擊戰鼓故神

機箭左右前三衛將各指標旗以應之指二戰統之旗吹戰角擊戰鼓

而進五部將各指標旗以應之指二戰統之旗吹戰角擊戰鼓

戰鼓指旗搖擊大呼而進夾擊之擊客兵敗散還營主軍逐之

統營示勇而退衛將繞營左右前三面揚威示勇而各立旗

塵擊以次傳應而還遊軍後擊○勝敗之形一○左右軍結陣

相當依法出兵各出左右前合戰良久主兵佯敗而還久統將

擊退金退指旗不敵後散亂奔還爭入營門客兵乘勝逐利進迫至

營主陣敗還戰統與駐統并力返擊進迫營欲陷陣而主陣利

三衛將各立五麾吹戰角擊戰鼓部將各點旗以應之吹戰鼓

角擊戰鼓立四統之旗統將各點標旗以應之立旗擊戰鼓

擊之又出遊兵分左右翼橫截其後客軍逐利之卒敗潰拒容陣堅

不得入遲迴將各主陣左右前三衛將各吹戰角擊戰鼓指五領之旗

大主將

後而行客陣左右前衛先道中後衛亦不能支舉營敗走

大宋宗室錄



吹戰角指五毫放神機箭擊戰鼓五衛將各指遊軍將旗以應之指  
五毫吹戰角擊戰鼓左右前三衛將則并指遊軍將旗以應之指  
各指標旗以應之措旗而擊戰鼓搖擊大呼而進左右前三衛將各  
指標旗以應之措旗而擊戰鼓搖擊大呼而進左右前三衛將各  
軍將各指標旗以應之措旗而擊戰鼓搖擊大呼而進左右前三衛將各  
指標旗以應之措旗而擊戰鼓搖擊大呼而進左右前三衛將各  
麾放神機箭擊戰鼓衛將以下以次傳應於是大將盡守營  
之兵雲蒸鳥散繼從而進客陣大將立五麾吹戰角擊戰鼓遊  
衛部將以下以次傳應堅守拒擊左右前三衛先戰角擊戰鼓遊  
軍部將以下以次傳應堅守拒擊左右前三衛先戰角擊戰鼓遊  
中後衛將不能支亦舉營而遁主軍大將逐之既遠吹大角擊止  
金衛將以下以次傳應而五六將軍又吹大角縱列遠吹大角擊止  
擊行鼓衛將以下以次傳應而五六將軍又吹大角縱列遠吹大角擊止  
應遂作行陣凱歌而還 ○勝敗之形二 ○一軍為主作方陣

一軍為客作鳥雲陣四面抄掠主軍應機出兵以當之

角擊戰鼓指五麾青白赤黑四麾四衛將各指標旗以應之吹戰角  
擊戰鼓指五麾青白赤黑四麾四衛將各指標旗以應之吹戰角  
戰鼓指五麾青白赤黑四麾四衛將各指標旗以應之吹戰角  
之旗而進五領將各指標旗以應之吹戰角擊戰鼓指五麾青白赤黑  
掠左擊而進五領將各指標旗以應之吹戰角擊戰鼓指五麾青白赤黑  
報諸軍大將吹戰角擊戰鼓指五麾青白赤黑四麾四衛將各指標旗  
將指標旗以應之吹戰角擊戰鼓指五麾青白赤黑四麾四衛將各指  
五領將各指標旗以應之吹戰角擊戰鼓指五麾青白赤黑四麾四衛將  
兵伴敗主軍不逐利而堅守而進中衛將以下以次傳應而進

至第一標大將吹大角擊止金搖擊中衛將以下以次傳應而進  
五為疑兵鼓譟以助聲勢潛遣遊軍偃旗藏金鼓分為伏兵



以待之四衛將佯敗擊退金退指五麾及遊軍將旗遊軍將部

將領將統將各以次傳應指旗而退設疑之兵亦依法而退主

軍大將見利不逐吹大角擊退金五衛將各指標旗以應之吹

大角擊退金退指遊軍將旗遊軍將指標旗以應之吹大角擊

退金退指五領之旗五領將各指標旗守客軍還聚作鶴翼陣為

以應之擊退金退指旗而退入壁堅守客軍還聚作鶴翼陣為

箕張之勢而來客軍大將謀既不以次傳應作鶴翼陣大將更吹大

角立五麾為箕張之勢而指之以戰角擊戰鼓主軍變作長蛇

陣直衝其中客軍中分三軍左右前大將於是中衛登巢車者亦

以客軍陣勢報大將大將吹大角縱列五麾衛將以下各以次

傳應變成長蛇之陣大將更吹大角擊戰鼓疾鼓故神機箭指五麾

而進衛將以下各以次傳應鼓行而迎進主軍察客軍太將在

直衝客軍中衛貫徹陣後客軍中分為二主軍察客軍太將在

處即回蛇尾圍之與首相連吹大角指青黑二麾以回蛇尾環

繞圍之文指赤白二麾以轉蛇首使首客將被獲而餘軍大敗

尾連合衛將以下各以次傳應圍之客將被獲而餘軍大敗

散圍既合客將不得出散甲○勝敗之形三○左右軍皆自遠

作行陣而來右衛先引次前衛次主陣緣道設伏而進自遠相

望之處兩軍右衛皆以賊變報大將緣道伏兵而進見客軍即

應之而已主陣大將密分諸衛遊兵緣道伏兵而進見客軍即

橫布為却月之陣主軍大將見客軍以下各以次傳應為却月

客軍因行陣而來戰客軍因長蛇陣而主軍出兵逆戰良久佯



敗還陣

將以下各以次傳應出陣逆戰良久大將擊退金退指

黃麾中衛將以下各以次傳應出陣逆戰良久大將擊退金退指

各以次傳應出陣逆戰良久大將擊退金退指

部及遊軍五領就於前衛之內偏而左右前後衛則堅壁不動

彼誘貫徹陣後半出而主軍大將中衛將與前後衛奇兵并力

急擊反截長蛇之腰客軍逐利被誘勢不能止貫出主軍陣後

疾鼓搖龍大旗指赤大麾及黃白二小麾退軍將吹大角放神

軍將大呼齋擊前衛將指標旗以應之吹戰并力擊疾鼓搖擊指遊

長蛇之腰中衛將見大將放神機箭即指黑大麾及青赤黑三

傳應戰駐皆遊大乎夾擊後衛將指標旗以應之吹戰并力

腰則却月之陣還全蛇之又令左右衛因却月之勢回擁長蛇之

首右衛將以下以吹戰角擊疾鼓指青白麾使回擁長蛇之首左

擁首蛇長蛇之尾出死力救其將客軍大將既被圍在圍外之

橫列五麾及遊軍將各以次傳應出死力并進乎操大於諸部將

將其大主軍大將外拒內擊遷延退引指遊軍衛將吹戰角擊疾鼓



旗以應之吹戰角擊戰鼓指領將之旗領將指標旗以應之擊戰鼓指旗而出禦外而主軍內圍益急於是容軍大將被獲而主軍大將吹大角退指五麾擊退金又吹戰角衛將入伏內有

一騎將獨出陣旁以大蛇旗左右點則左右伏兵並起客軍盡

敗引退至伏兵處有一騎將獨出陣旁以大蛇旗左右點則左右伏兵起於主軍大將吹大角回指黃赤黑

三麾放神機箭吹戰角擊疾鼓中前後箭將以下各以次傳應各出二騎統與遊軍及伏兵大呼合擊客軍餘兵盡散其

形名分數至精至詳奇正相生神變不測而改司分軍各有統

屬誠有志於兵事矣然輕改舊法物議頗多○傳旨禮曹曰大祥

之後可始習樂○議政府據兵曹呈啓前此軍器監匠人遼兒

副司直一唯良人受職賤口則不得受庚午年始革副司直給

攝隊副三勿論良賤以仕之多少除授然賤人則得免苦役其

榮亦足且年少時入屬故仕到多而先受職良人則率皆年壯

投屬故仕到懸絕九品尚未得受况六品乎自革副司直以後

缺望者多勸勵無門慮有才良匠或至廢絕請匠人內良人則

還給六品遼兒用兩都目賤人則給上林園副給事遼兒亦用

兩都目從之○議政府據兵曹呈啓內禁衛陞遷仕到之數參



外少而參上多故參外則速陞六品參上則未易改品因此拜  
參者欲速陞四品每於鍊才之時故不盡才或托故乞辭待滿  
五十日投屬別侍衛姦詐莫甚請自今內禁衛移屬他成衆官  
者依學生例待其到滿授行九品以次陞遷從之○議政府據  
兵曹呈啓曾下旨云正統九年七月十三日傳旨內咸吉平安  
道之人於險遠邊邑多年艱苦赴防甚可憐憫其赴防七年以  
上白身從九品元有職超一資十七年以上白身正九品元有  
職超一資二十七年以上白身正八品元有職超二資邊郡居生  
各其本邑赴防者年六十歲以上白身正九品元有職超一資  
皆以新定散官之法除授予惟兩界軍士防戍艱辛其論功賞  
職勸勵士卒實是永世可行之法自今敬依上項傳旨逐一施  
行內地各官軍士內赴防滿七年受職後又滿七年者超一資  
邊郡居生各其本邑赴防人內年僅滿六十者隨即除授曾過  
六七十而未受職者亦令搜訪除授臣等以為今此受職人等  
但據其道回答之書除授未便請令本道監司今年九月內



備錄例當受職者年歲前職散官及赴防年限以啓且自今每  
年正月磨勘啓達後相考除授從之○議政府據戶曹呈啓前  
此移文各道云楮貨勿論新舊并用且每年官自備辦納于濟  
用監以廣楮貨入官之路牧官以上一千張都護府八百張知  
官六百張縣官四百張如有濫收民間者按律抵罪然平安道  
茂昌虞芮慈城江界渭源理山碧潼昌城朔州定寧並是沿邊  
之邑防戍最繁人物凋殘上項分定楮貨勢難備納請皆蠲減  
從之○丁亥視事輪對御經筵○以鄭萃為議政府右贊成兼  
判吏曹事鄭甲孫議政府左叅贊申自謹仁順府尹申自守僉  
知中樞院事卞孝敬兼知兵曹事朴彭年守司憲執義河漢慶  
尚右道處置使馬勝全羅道處置使金允壽慶尚右道都節制  
使彭年嘗以言事見罷至是特拜憲職蓋以其剛直也是日安印  
僧徒官教幾至七百尚瑞官不能勝印○戊子視事輪對御經  
筵○傳旨禮曹曰去歲正月 世宗移御于孝寧大君之第其  
赴會祈禱之僧皆受賞職如有無度牒者並皆成給○左贊成



金宗瑞啓禦敵之具莫良於弓矢臣每思北狄雖若可虞然至  
暑月不足虞也若倭寇則必乘暑月而發暑時所用之弓不可  
不備昔虎入白岳抄軍捕之軍士所佩之弓率皆膠解不用是  
可慮也 上曰此則官吏點檢不至也然不可一時盡改漸使  
改備為便○議政府據吏曹呈啓慶源府稱為界首之後以鏡  
城府移屬吉州道而中左右翼尚不改彌誠為未便請鏡城府  
稱吉州道左翼慶源府稱本府中翼富寧會寧稱慶源府右翼  
穩城府稱慶源府左翼且鍾城未為都護府之時兼寧北鎮節  
制使之銜今為都護府而仍稱寧北鎮有違他例請除寧北鎮  
之銜稱慶源府右翼且慶興府水陸所任最緊請仍舊為水軍  
僉節制使而稱慶源府左翼從之○己丑視事輪對御經筵○  
傳旨禮曹曰前此解怪祭差遣書雲觀官吏行之自今宜遣內  
直院別監傳授香祝于其道觀察使令所在官守令行祭三月  
以來梨樹葉斑爛萎黃自前月墮雨彌旬其葉盡落至是月葉  
更生花亦發如春○傳影集賢殿曰自今鑄字所所印書冊宜



即讎校以進○傳旨戶曹曰凡干儲備救荒營繕等事與右贊成鄭萃擬議施行○辛卯議政府據戶曹呈啓前此兩界軍士赴防本道者月俸之米例給京倉但其路遠往來有弊且或以所受之米盡買布貨而歸請以本道綿布給之一匹折米八斗如有欲受京中者考本道都節制使之文以給從之○壬辰上引見右贊成鄭萃于思政殿議築棘城及結城巨濟康津等官邑城遂傳教承政院曰今年當審慶尚道田品暑築巨濟城則兩事不可並舉除別遣朝官令各官守令各審境內之田分九等以聞無乃可乎若遣朝官則當遣樂人已令鄭贊成議諸政府卿等亦宜知之○癸巳視事兵曹判書閔伸啓臣聞黃海之民流亡者多而留居者少故前日抄加定軍之時奪軍士奉足而充之尚未足焉江原及兩界亦然留居之民甚少故充其過半流亡者之數猶且不敷况給軍士奉足乎今欲給甲士奉足各二名若立此法則願受奉足者雲興不可勝給雖下三道不可行矣只可給率居族親為奉足上然之伸又啓當暑月



侍衛軍士請令佩鹿角弓 上曰鹿角弓軍士未能卒辦豫備  
之前始令佩木弓可也○輪對○慶尚右道都節制使金允壽  
辭 上引見○御經筵○中樞院副使金銚製 英陵碑陰記  
以進辭見 世宗實錄○司憲府啓柳宗植曾為開城府都事  
及其遶還舩運米穀雜物于其家請鞠之 上曰已經赦宥勿  
劾可也○議政府左參贊鄭甲孫卒甲孫字仁仲慶尚道東萊  
縣人中樞院使欽之之子生而穎悟及長學日就永樂丁酉登  
第補承文院副正字累拜司憲監察舊例監察監納諸道稅糧  
者有剩米則輸本房為酒肉費甲孫皆納臺庫同僚以為言但  
笑而不答遷兵曹佐郎未嘗以私事役一丘吏又不以私謁補  
軍職歷獻納持平每遇事不阿剛直敢言累遷至知承文院事  
世宗器之擢同副代言陞左承旨知刑曹事以疾辭授中樞院  
副使移禮曹參判出為全羅道都觀察使本官及宗室奴隸多  
豪橫自恣影占民戶官不能禁甲孫悉究治之請于朝戮其魁  
人皆稱快丁父憂居喪哀毀一遵禮經廬墓三年未嘗一至私



第朕闕拜大司憲大根臺綱朝著肅清事有不可者輒論駁語甚剴切不得請不肯已 世宗曰近日論事殊不似昔日臺省兼判吏曹事河演除其姻親尹三山為掌令甲孫䟽劾語頗侵演命義禁府鞫之及面質論辨愈切暫不屈遂釋不問又吏曹判書崔府子敬身例當為守令除全羅道經歷兼判事崔士康除其弟士庸官甲孫於 上前面斥曰士康不學無知固不足責府年過七十例當致仕 聖恩至隆委以銓衡不思報效敢爾如此不可不罪府汗流浹背 上諭令就坐愈論不已 世宗曰是子用人不明之過予甚慚焉及退會食府手顫不能操匙箸甲孫惡僧徒尤甚有犯者輒立斷痛繩不貸發還元籍曰治此輩不可不急小緩之則黃緣得脫矣僧徒由是屏迹不得入京都 世宗亟稱之曰比來臺省不過以一二細瑣事講故事耳至如甲孫真臺諫也以故不悅者多但其所行無缺故不能間然為演所惡出為京畿都觀察使移咸吉道人皆謂屈且有老母必不平甲孫怡然亟行時東北甚凋弊且遭凶歉儲峙亦



竭甲孫屢陳便宜盡心調恤人賴全活世宗每稱善荒政者必以甲孫為首甲子冬請暇來京特授資憲中樞院使以褒之仍帶本職明年召還判漢城府事辭訟無滯令行禁嚴姦豪畏縮禁僧徒淫祀如在臺時拜禮曹判書轉議政府右叅贊昭憲王后昇遐大設佛事于大慈菴政府遣甲孫啓請停罷言甚切直世宗詰之逾論請不已上即位拜正憲左叅贊兼判吏曹事命下之日門無賀客銓注至公人無恩怨至是寢疾上數遣內醫問之且賜內膳相繼疾革遺命喪葬務從儉約不作佛事訃聞上哀悼輟朝二日賻贈有加賜謚貞節直道不撓貞好廉自克節議者以為直道二字已包廉節之義但恨欠勤學之義耳甲孫義風姿天資卓越曾懷洒落清直坦夷與人談笑和易無町畦至論大事截然不可犯平生未嘗以私事投簡於人家貧朝夕幾不繼亦不恤穿壁弊席晏如也又不為子弟求官嘗為咸吉道觀察使被召來京其子中本道生真鄉試及還道見榜目不悅曰吾兒業未精豈可僥倖欺君耶即勾



去其名好讀書公退手不釋卷其在臺也章疏皆其自草語意  
激切及入政府務遵大體不喜紛更嘗曰與其立終不可行之  
法不如不立世宗之喪病劇不能食飲其母勸肉汁曰親父  
母之喪若有疾則亦許肉汁助滋味今汝病劇何不變通對曰  
吾無才德致位至此吾父子兄弟偏蒙上恩恨生平無少報  
死生有命食肉而生不如不食而死其妻又有疾或謂之曰夫  
人氣素弱又今有疾盍勸肉答曰此雖婦女爵封夫人聖恩  
莫大豈有食肉之理不聽其弟昌孫為之謀曰人患有志而無  
才公則有志又有才人患有言而無行公則有言又有行以公  
之志行公之才足以丹青王化陶甄一世上方倚用而公已下  
世嗚呼痛哉世以為祿溢羨也有子二俱倣女長入後宮為昭  
容○議政府據戶曹呈啓各牧場死馬皮請依舊例煮阿膠或  
造橐韃肉則買穀以補義倉置簿以啓從之○議政府據兵曹  
呈啓景泰元年十一月受教節該中外兵器非惟不犀利其體  
制亦不合於用况今兩界有聲息戎器尤不可不備請於京畿



外諸道分遣監鍊官定都會所聚工匠造甲冑弓矢一依京中  
所送兵器摸樣所屬各官所藏古軍器並令堅利修補新造兵  
器所入雜物則分各官殘盛而收之各色軍士等私軍器則都  
節制使並考察修補其貧乏不能自備者收其所入之物修補  
分給內廂則都節制使考察各官則差都會所守令監造監鍊  
官巡行檢察具錄新舊軍器造作月課之數以啓令請依上項  
受教施行且今咸吉道所進葉兒甲編札甚踈請遣軍器監所  
造葉兒甲一部使為摸樣又鹿角弓用於暑雨之時為最緊且  
鹿角本道所產亦令量宜並造從之○議政府據工曹呈啓都  
城四山伐石之禁已有著令然不為限域故伐石者多甚為未  
便請自全城內則四山城外則東至普濟院盧原驛南至伐兒  
峴青坡驛西至沙峴並以山脊為限雖有國用勿令伐石以全  
地脉從之○全羅道處置使馬勝辭上引見勝嘗為富山浦  
處置使惟務撫卒鍊兵守令有饋酒饌者必與士卒共之或得  
贈物不私畜以補軍裝及遞遞但衣衾二笥而已○乙未召左



議政皇甫仁左贊成金宗瑞議築穩城鍾城及各處城子仁等  
議啓穩城邑城周回本一萬尺今加三千尺退築西南鍾城邑  
城本八千尺今加三千尺退築南面穩城鍾城皆以土築蓋覆  
之具須令預備若雨則其造築處及掘土處須即蓋覆勿令雨  
水滲漏今歲未畢則待明年畢築朔州龍川兩邑城宜遣判閣  
元益秀往來監督小朔州築城則待明年更議義州拾石令其  
道首領官往來監管理山山羊會洞口於來春令附近江邊軍  
人防寒義州邑城低微處及南門樓擁城須及來春造築上  
曰山羊會洞口及義州懸門皆俟來秋造築○司諫院啓全聞  
將遣監鍊官于下三道臣等以為一使命之行各官受弊多端  
軍器鍊正已有成規何必別遣朝官然後能辦耶請勿遣且二  
月百官加資傳旨內通政以上父兄子婿弟姪承重妻子孫中  
一人受職以此觀之妻子孫非承重者不得受職今宜山尉南  
暉其孽婿李貴同則以其蔭妻子興則以其兄智之蔭俱受職  
安崇善孽子亦以其蔭受職皆非承重者也本院失察已皆署



經告身今乃覺之乞避嫌 上曰遣監鍊官之事已曾議定不  
可更改除授之事勿避嫌雖亦可當者然既推恩更署經告身  
可也○丙申兵曹啓兩界甲士護軍去官人等再受祿後代差  
之法已立今加設領率護軍緣此窠闕不敷請自今年老甲士  
去官者仍舊再受祿後代差六十歲以下一次受祿後授行職從  
之○都承旨李季旬乞辭職曰臣竊思不仕則已仕則無如承  
旨然而任重非庸愚所能堪臣誤蒙 世宗大王之知超拜承  
旨臣自知不堪不敢辭免優遊經過者四年矣 殿下特除都  
承旨其任尤劇今已周年以臣庸愚誤錯事機罪及臣身雖萬  
死何憾其於國家大體何如且諸承旨中有老親者臣與禹孝  
剛二人而已今孝剛喪母臣疑次及於臣請違臣職以副臣望  
上曰為都承旨不久其勿更言○諭平安道右道都節制使曰  
左議政皇甫仁言理山之地山羊會等處乃是婆猪江賊來直  
路防戍最緊宜築城于山羊會洞口左右然近來弘邊之民困  
於入保不能安業又令動衆築城予所不忍若不得已則姑



設棘城于洞口左右且樹削皮枘木于川中以防賊路漸次拾石築之其親審可塞之處相距遠近尺量以啓且築城之處幾處幾尺因險削土幾處幾尺役徒當用幾人役限幾日如設棘城則將為幾人幾日之役乎並磨勘以啓上項洞口守禦宜須謹慎○秋七月丁酉朔 上詣 輝德殿行朔祭○御經筵都承旨李季旬啓成均館教化之源賢士之關其任最重今聞教官慢不致意教養之方日以陵夷首卞季良許綢皆職帶成均館或考教官勤慢或與儒生講論故教官不敢怠弛學生亦皆勸勵請復差知館事掌之 上曰自予觀射習陣之後人人皆好武事不志於學教養之道不可不慮宜差知館事以振文風當此任者誰歟對曰右贊成鄭恭 上曰恭無乃不曾任文翰之事耶且今所管事頗多未可任也更舉一品可任者對曰左贊成金宗瑞何如 上曰然宗瑞本職帶知春秋館事亦可知成均館事○賜日本國一歧州上松津鹽浦留源聞米豆各一十石綿紬四匹正布三十八匹○議政府據戶曹呈啓今歲豐儲



廣興倉所收黃海道各官小麥及廣興倉所收紙價請姑納本  
官以備穀種從之○戊戌御經筵○以金宗瑞知成均館事洪  
深同知敦寧府事柳守剛同知中樞院事李仁和中樞院副使  
卞孝敬兵曹參議李宗睦工曹參議任孝信金末並僉知中樞  
院事李孟英司憲持平孟英以忠順衛登第驟拜是職物議頗  
騰孟英嘗曲事兵曹參判黃守身贈土田至是守身言於吏曹  
參判李邊除之○始革十二司為義興忠佐忠武龍驤虎賁五  
司授新設護軍職○己亥視事輪對御經筵右司諫任孝仁啓  
承文院官吏專掌事大文書不可輕易遞代故立久任之法校  
理趙元禧通習吏文曾為久任今除慶尚道都事前日崔漢卿  
以久任出為忠清道都事本院欲啓而不敢以元禧在任也今  
又使元禧於外有違立法之意請改之 上曰予初不知久任  
嘗改差○工曹判書鄭麟趾製 英陵碑銘以進碑文見 世  
宗實錄○軍器監提調啓焰焯莫取已有定額今春等各道莫  
取之數皆准元額獨忠清道藍浦都會所莫取之額未准請治



官吏及匠人等罪 上曰官筭三十匠筭四十可也○命戶曹  
賻多慶令有康妻棺槨石灰等物○庚子視事輪對御經筵○  
辛丑視事輪對御經筵○司憲府啓朴孝誠年已六十五今除  
江陵府使未及逾期例當致仕不宜外任又命李賢老獨考書  
籍于闕內所考者經史則集賢殿存焉何必賢老若非經史則  
必是不經之書請罷之又庚午正月精勤僧人無度牒者命皆  
給之度僧之法載在六典又屢下教旨申禁近日亦立度僧之  
限而乃有此命恐毀成法 上曰賢老所考者風水秘密之書  
也賢老嘗掌之故今亦命焉僧人既已有功今之給牒者有何  
不可孝誠之事予更考前法復啓曰為 上祝釐僧徒職耳何  
功之有况既賞以禪師之職今又追給度牒不亦過乎風水之  
學自有主者何獨使賢老考之皆不允○左議政皇甫仁啓平  
安道朔州龍川兩官邑城低微頽圯處修築事已嘗受教今請  
發築城軍一千名令差使負一人領之赴朔州都鎮撫都點二  
千名令差使負二人領之赴龍川首領官都點自本月二十日



始役至九月二十日而罷從之○慶尚右道處置使河漢辭  
上引見○議政府吏曹同議啓宗親府書題本四十五人今加  
十五人然其都目則仍舊不加去官甚遲故人皆規避請自今  
准額差定依中樞院典吏去官例於舊二人加一人從之○壬寅  
議政府啓庚申年傳旨內二品以上年少者鮮任官之際實難  
其人故不得已年老者亦除守令今後二品以上守令於六期內  
年近七十兩滿三十朔者不計箇月隨即啓達今江陵府使朴  
孝誠雖非二品亦是堂上官請依此法遣之從之○下教議政  
府曰平安道沿邊各官之民防禦最緊固當矜恤曩因凶歉連  
年民苦飢困勞役煩重民志騷擾不得生生安業至於流亡豈  
欲加刑實哀惻獨自今日以前流亡未見者不問日月久近道  
路遐邇若自來還者復戶三年所耕地不拘五年之限并皆  
還給使安生業一應防戍事外官吏毋得侵擾或遣朝臣存  
問之際侵擾事迹發露則官吏母或有貲沿邊各戶子弟才堪  
守禦者大小將帥務欲役使匿不以聞淹滯鄉曲不得從仕于



京不無怨咨其有文治武畧者搜訪以聞東西班隨才叙用國家慮沿邊民生艱苦雜凡差役一皆蠲免其或守令失於撫字侵擾多端或無時畋獵人疲馬困不堪其苦乃至越江畋獵恣行無忌非獨守令大小將帥亦然今後毋得似前恣行以紓民力監司都節制使嚴加糾察後日朝官發遣之時虛疎糾察情迹現露則并論監司都節制使○命台政府議之曰兵曹職掌軍務事甚繁劇所掌公務分掌于三軍都鎮撫訓練觀何如僉曰權莫如統一雖曰事繁自來摠治無有曠廢何用分掌以致煩擾仍舊為便 上曰雲城尉妻子用於東班何如僉曰二品以上承重妻子許入忠順衛已開仕路河以妻子復生位至判事雲城尉妻子亦可用於東班 上曰各道貢物各以所產推移改定何如僉曰以一時小見輕改舊法未便從之○黃海道都體察使鄭奉啟前此傳旨云黃州棘城拾石遣從事官一人督役然從事官三人并分遣于下三道三邑城今棘城則但拾石而已請令其道監司首領官考察從之○議政府據戶曹呈



啓全羅道各官小麥因旱不實若仁順仁壽府內資內贍禮賓  
寺則用度不足請以小麥納之豐儲廣興倉則并以糶米及粟  
米代納從之○議政府據戶曹呈啓典農寺尹宋復元直長尹  
自礪監察尹增等給文智金價加給正布八十五匹此必暗聽  
賈人之請而然也如或失錯亦是昏迷不堪其職不可以事在  
赦前而不論自礪既已作散請罷復元增職以為後戒從之仍  
命復元用於西班○議政府僉議可載 英陵碑陰資憲以上  
大臣姓名以啓 上曰無乃有遺而不錄或錄而可除者乎都  
承旨李季甸對曰今之與於是選者或經六曹政府或經監司  
都節制使處置使有勞於國之臣也唯李明晟雖拜資憲但懇  
姻戚里之故耳人品庸愚且無出入之勞得與是選為可愧也  
上曰除之可也其他可除可錄者更議諸政府僉曰文貴與李  
仲至皆無行人所不齒然無大過且有內外之勞不可除也柳  
思訥洪師錫雖皆有內外之勞然思訥為知申事與權緩謀以  
蘇合油之不可用者納內藥房多受價米而用之其志陋矣師錫



為人姦且犯賊罪恐未可與諸臣並列也從之○癸卯平安咸  
古道都體察使皇甫仁啓咸古道觀察使報云已曾傳旨令造  
會寧鎮甫乙下口子壁城然轉輸材木功役甚重而不及五六  
年已至朽敗且賊乘間火攻則尤可慮也請築土城臣意以為  
甫乙下口子距有石之地不遠漸次以石築之何必築土城若  
造壁城連續補葺則亦可經十餘年矣請於前定軍人百五十  
名加定五十名造壁城從之○甲辰親傳 宗廟永寧殿秋享  
大祭香祝○丙午連日大風屋瓦亦飛傷禾稼○議政府據禮  
曹呈啓各道進上物膳請自來八月望前依舊例供進從之仍  
教曰平安黃海兩道皆失農 文昭輝德殿薦新及大殿新物  
膳外其餘望前後姑停供進京畿則但進 文昭輝德殿月令  
薦新及海物○議政府據禮曹呈啓自京城抵津寬水陸社奉  
香經行之路或有棄屍甚為未便請令漢城府及所在官嚴加  
考察并於津寬洞口左右禁人安葬以清道路從之○賜祭于  
平左叅贊鄭甲孫文曰惟卿間世之賢先朝舊德經濟宏材輔



以正學忠誠剴切得於自然早年捷科令聞日宣揚歷華聯所  
在底績游刃恢恢剴治繁劇再入諫院知無不言忘身奉國風  
節孤騫累登烏府朝綱振肅扶正息邪古之遺直先王是嘉  
擢司喉舌啓沃弘多益梅麴孽攬轡三道宣化崇爰黜幽陟明  
頑貪屏迹判于京兆鑑裁克明長于春官典禮以成措諸設施厥  
有駿聲叅贊論道袞職是裨垂紳正笏時之表儀處事決疑為  
國著龜今予嗣位圖任舊人庶幾仰成以濟斯民天胡不憖而卒  
之速聞訃以還深用痛惜予若濟川誰其舟楫鑑今亡矣嘆之  
莫及矣於殯堂奠此一危靈其不昧尚克享之○丁未大雨街  
衢漲溢水深數尺川邊人家或有墊沒者○視事輪對御經筵  
○司諫院啓獻納高台弼詐以妻高氏為已死而出告身臣等  
未知而署經今聞高氏生存請下攸司覈其有妻娶妻命下司  
憲府台弼濟州人中樞得宗之子也初娶同邑高峻之女為妻  
以其在海島且心薄之未嘗同居及拜獻納署經告身以妻亡  
為辭後娶士族金巖之女本院乃知初妻之未亡也劾罷之



○賜酒肉于春秋館集賢殿○議政府據兵曹呈啓前此受教  
銃筒衛宜習銃筒放射之事令出番者悉詣軍器監造銃筒箭  
使知銃筒字號及藏藥之數令出番者皆於訓練觀習故故多  
不詣軍器監以廢本業請令出番六月內訓練觀二日軍器監  
一日休息三日從之○戊申視事御經筵上曰大學衍義非  
唯人主龜鑑大臣宗親亦不可不知今所撰註解稍踈略欲令  
詳加註釋以教世子與宗親檢討官成三問對曰今之註解唯  
次對經筵官二人草率考閱多未詳盡宜別命一二儒士責成  
從之命遼左司諫崔恒為集賢殿副提學掌之○司諫院啓今  
授李保仁領率護軍保仁以議親方在君父之喪潛奸倡妓比  
之凡人其罪尤重而會赦偶免今若授職將無所懲艾矣况領  
率之職統馭士卒人呀視效其身不正何以率下請罷之上  
曰所言固善然非犯賊之類授職無妨復啓不允○慶尚道觀  
察使進白雉議政府欲率百官進箋賀命勿賀○已酉公州判  
官全季欽彥陽縣監金欽青陽縣監丁明應新昌縣監金慄連



川縣監高壽長辭 上引見各問出身曰凡為守令者雖皆選  
遺然徃徃或非其人守令之任專在務農恤民播種百穀不可  
太早亦不可晚須令得時且堤堰切於農功新築則固難矣如  
有舊堤則宜時省修築以盡灌溉之利○以河演為領議政仍  
令致仕安崇善左叅贊許詡右叅贊李思哲吏曹判書李承孫  
禮曹判書趙克寬刑曹判書李先齊藝文館提學趙由禮中樞  
院副使金鉉洪深並漢城府尹崔恒集賢殿副提學李蓄僉知  
中樞院事演性苛察無局量老衰不引退士林多譏之至是乞  
退 上密議于政府令致仕演聞罷相愕然不悅金河趙貫俱  
尹漢城關節頗行 上欲代以庶能者遂除鉉深權孟孫莪詐  
多欲善伺候取媚士論薄之至是以吏曹判書坐受人賄罷孟  
孫與承孫素有隙嘗密啓承孫掌詮注受賄遺遂見罷至是復  
用○兵曹啓內需所書題本二十人遞兒六今減為十五人而  
遞兒則仍舊請除遞兒一給兵曹書負從之○諭下三道江原  
黃海道兩界觀察使節制使及兩界監鍊官曰今京外公私兵



器皆不堅利其操練之方不可不慮故遣監鍊官於國家昇平  
日久人心狃於安寧凡于武備之事慢不致慮國家大體誠為  
未便况咸吉道地接野人平安道境連上國受敵初程聲息連  
輟迨此閑暇之時堅利甲兵最為先務其詳考庚午年十一月  
議政府受教曲盡布置具由以啓且監司總治一道之事兵使  
亦總道內兵事勿謂別遣委差同心盡力不時巡察○傳教承  
政院曰自今點馬別監依舊任例擇人分掌各道使以為己任○  
庚戌傳教承政院曰今日予稍未安未能行 輝德殿望祭都  
承旨李季甸等啓曰今聞 上所御處卑濕請徙他處且今天  
氣炎溽每日視事臣等慮因此 聖體不豫 世宗每當溽暑  
停視事請間日聽政 上曰今所居但欲避暑且非卑濕之處  
天寒則移御予之不安豈動政所致○節日使通事咸仲良事  
目內去六月二十三日臣到狄江乘槽船以渡抵中江江水暴  
溢夜深不得涉因留宿島上翼日大風雨崎嶇得濟護送及騎  
載持軍等亦於二十三日渡狄江泊中江不得渡越二日義州判



官遣船軍人畢渡後水益漲船不得行乃置馬于島中凡三日  
大雨諸島皆沒馬多溺死 上曰果如仲良之言則非唯馬匹  
亡失軍人亦必多溺死宜遣人推覈乃遣軍資副正鄭自洋按  
驗其狀並劾仲良及義州守令○辛亥司憲府啓舊例鑄字所  
必令文臣任之今金永湔鄭永通林文臣而任之有違舊法且  
雖多事時不過七人而止今則無事而加設二員不亦冗乎  
上曰雖以文臣掌之事多錯誤故加設二員欲使久於其任不  
致錯誤而已時鑄字所印十八史略多舛誤永通等乘間夤緣  
安平大君瑢受此任○議政府問安且啓曰前日傳教云革麟  
山郡屬義州未便復之何如更議可否臣等以為雖或未便纔  
革而又復無乃煩數乎皇甫仁獨曰僉議固是然臣意以為隨  
川任內安義鎮距義州甚近而隨川稍遠請移此鎮屬義州勿  
革麟山 上曰予之疾則昔日溫陽行幸時予所止之第甚低  
小一日出戶而傷腰因此時時復痛今亦患其腰耳安義鎮之  
事左承旨於經筵入啓○兵曹啓製造弓矢固非商賈之業故



武人或自手造請於三軍甲士別侍衛銃筒衛中從自願人給軍器監古柳葉箭一部并其所入材物限五日畢修補還納給到三以賞之則古軍器不勞而可補矣從之○壬子知珍山郡事黃瑜連山縣監郭蔭禮安縣監鄭保楊口縣監朴種奉化縣監姜汝為辭傳教曰予病未得親見各就乃邑敬哉○黃海道都體察使鄭萃辭 上引見○遣內侍府事朴潤于黃海道審視禾穀○議政府兵曹同議啓江原道人民以講武場之故不能安業而流移者及避役而流移者請皆刷還使居講武場外各官量給可耕陳地及閑田又分多占者之田而給之使得安業從之○忠清道都觀察使啓禁伐松木載在六典且屢次受教至為纖悉然各官館舍樓亭綠無定制皆尚壯麗舊宇卑窄則托以傾側腐朽必新構而高大之費公之財竭民之力以賞名於世松木殆盡職此之由且其營造者必曰役入番人吏日守弊不及民也人吏日守獨不為民乎請自今勿令新構傾側者起正之腐朽者修補之年代不甚久遠而改構者須即科罪若



新設各官及年久不得已新構者間閣多少棟樑長廣令該曹  
立法州府郡縣差等定數毋得過限違者罷黜民家及寺社許  
用雜木如用松木者則令撤毀科罪嚴立禁章擗節培養以除  
公家興作之弊以備國家舟楫之用命下兵曹○左議政皇甫  
仁啓撤勤政殿月臺薄石以今燔造唐甄排設試驗 上曰唐  
甄朕未久腐毀則於試驗得矣其如還設薄石之弊何先試思  
政殿庭何如對曰然 上曰聞中國用唐黍莖燔甄我國須用  
吐木何也自今豫蓄雜草以燔造○東宮致祭于辛左賓客鄭  
甲孫文曰惟公稟資清粹制行貞剛才優經濟望重巖廊予方  
幼冲學問是事公在賓筵輔導實至敬承明訓庶幾有成天胡  
不吊遽失儀刑計聞以旋良用心惻今遣官官伴陳一酌英靈  
不昧尚其歆格○癸丑司憲府啓奉常判事考滿然後拜堂上  
官舊例也今李蓄考未滿而超授僉知恐毀成法又新除判事  
朴昭秩卑不稱奉常判事非此人無可授者則然矣苟赫不得  
已則何必昭也 上曰有司不顧成法謬舉蓄為堂上官則汝



等之言然矣蓄之為人可授堂上官故予特命超遷非有司毀  
法也昭則予嘗因輪對知其為人若以為秩卑則似矣其言人  
品不合奉常則非也○兵曹啓騎射注筒之法惟似涉馬鈍分  
辨為難者令用注筒更試然分辨之際不無人情且武科及都  
試內禁衛武藝取才外雜凡取才令除注筒依前例試取然雜  
凡取才分辨亦難請自今一應取才並用注筒分為二等試取  
上曰依前傳教造第一第二注筒騎射時似涉馬鈍者用注筒  
更試○甲寅司諫院啓今以護軍僕馱為曾犯賊罪違領率護  
軍而授司正既以為賊吏則雖司正不可授請罷黜上不允  
復啓馱本無敵愾之才國家亦無用武之事今殿下即位之  
初一以治賊吏一以用賊吏於義未便不報○乙卯上詣  
輝德殿上食○宣川郡事南蒼鐵山郡事洪致敬懷德縣監洪  
繼生辭上引見曰守令之任不過兵農兩事武備宜常加訓  
鍊不可踈虞還上當趁時斂散不可稽緩堤堰則雖不能新築  
如有舊堤不可不修○兵曹啓前此別侍衛四番節制使輪次



入直闕內今別侍衛分屬五司請革各番節制使從之○丙辰  
視事輪對御經筵 上謂叅贊官鄭而漢曰前日政府所議復  
立麟山郡便否及自義州至麟山古安義鎮相距遠近何如對  
曰自義州至麟山相距四十餘里至古安義鎮百餘里又自義  
州沿江而上至仇寧口子相距百四十餘里其間有方山青水  
兩口子定義州軍官權管守禦疏虞倘有賊變則義州節制使  
必不能及期救援古麟山則退排內地距鴨綠江三十餘里如  
有事變則入保龍川義州邑城故不必置邑也且麟山越邊權  
豆山兄弟山達達洞等處皆賊路也都體察使皇甫仁具由啓  
達出排麟山于江邊古長城之內自麟山至義州其間人物布  
野又置堡于古靜州之地使近地人民四節恒居出排定寧于  
方山之地新築邑城割定寧之地分屬義州又於角聲相聞之  
處聯設烟臺大城小堡前後相望臣意以為義州則土地非不  
廣人民非不多遽革麟山以屬義州似為未可 上曰左議政  
公邊布置甚得宜今聽諸臣之議而遽革之予亦以為未便然



業已為之不可復立姑置萬戶于麟山城待後日更議爾其知之○溫陽郡事朴忠至咸安郡事禹晟靈山縣監李紬龍岡縣令白瑀井邑縣監申叔良辭 上引見曰守令之任務農鍊兵而已宜勸耕桑使不失時修堤堰以興水利今遣監鍊官于各道以造兵器爾等就邑一從其言毋致稽緩○忠清道觀察使啓唐津浦萬戶竒尚原方在國喪招致倡女桂樹于任所奸之給官鹽五斗又給媒人亡金鹽四斗請杖尚原九十刺字桂樹八十亡金七十命下刑曹○命名禮曹叅判鄭陟曰前者所進平安道地圖詳悉故體大艱於披閱其以此圖藏於議政府更略舉州鎮要害名山大川畫進使得便於觀覽○議政府據戶曹呈啓松峴左右行廊所積軍資監米穀可慮穿窬請每夜巡更時庫直以木柱授巡官納于兵曹豐儲廣興倉亦依此例從之○議政府據兵曹呈啓賊若由義州而來則嘉山郡亦是要衝不可不築邑城然人力不足各邑築城固難一時並舉請先築熙川次嘉山次价川次江東漸次量力造築 從之○議



政府據禮曹呈落京畿原平文河開城府等處惡疾方熾只用藥劑針灸治之難以見效請修葺開城府活民院聚置病者從自願兼用沐浴蒸熨之法治療其柴炭藥草等物及病人糧料令開城府曲盡布置定幹事僧主之所在各官徧諭病人令就活民院如有不知者則罪守令 從之○議政府據禮曹呈啓社稷簠簋樽罍之屬無庫可藏置諸執事房舍誠為不可請別立庫藏之 從之○平安道觀察使啓曾諭本道云漕轉之米並皆露積慮或朽腐可於平壤安州等官建倉廩儲之臣今觀平壤之地材木鮮少至三四日程斫取流下力役甚重但用平壤民力固難及期營造附近三登慈山等官米穀並於平壤儲峙倘有賊變則皆來入保已有定制請令上項各官共力營造 從之○議政府據兵曹呈啓濟州鎮撫金德吉等上言去庚午年七月追倭船五艘盡獲之鎮撫高全道獨受賞職臣等各受綿布三匹乞依前此本州捕倭守令軍官賞職例授臣等影職或授海領職臣等以為德吉等非捕獲賊倭之例且既給綿布



不必更議。從之。○議政府據兵曹呈啓平安道各官國庫請  
隨所宜或各置或並置如茂昌間延江界渭源理山碧潼慈城  
定寧義州則皆有城堡故各置國庫龍岡山城則并置本邑國  
庫及三和江西等官國庫郭山陵漢山城則本邑及隨川宣川  
國庫平壤城則本府及祥原中和古江東國庫寧邊城則本邑  
及价川博川雲山定州嘉山國庫龍川城則本邑及鐵山國庫  
安州城則本邑及肅川國庫慈山山城則本邑及順川殷山順  
安永柔國庫德川山城則本邑及孟山國庫及成川山城則本  
邑及陽德三登國庫咸從山城則本邑及甑山國庫朔州則本  
邑及秦川國庫熙川則別自築城置國庫並自今年始造收納  
租稅及往年國庫還上其在前國庫米穀則自今冬漸次移輸  
義倉米穀則仍置本庫以便斂散人民私備米穀則令依舊掘  
地窖堅藏之。從之。○議政府據兵曹呈啓續六典節該凡朝  
官出入宮門者時散二品以上根隨各二名時行三四品有官  
守前銜三四品臺諫員五六品根隨各一名今大小朝官不顧



立法或有加率者誠為未便請自今一依續典申明糾察集賢  
殿副提學以上亦依二品例率二名從之仍傳教曰宗親根  
隨亦宜定數大君五名諸王子四名其餘宗親二品以上三名  
三四品二名五六品一名○丁巳視事輪對御經筵○戶曹啓  
去辛酉年以上未納還上請聽民以紬綿布紙地代納從之  
○議政府據兵曹呈啓續兵典謄錄中外軍士馬匹考察條節  
該點考時不實馬匹及借馬逢點人照律論罪定他軍役入格烙  
印馬匹不用心喂養以致瘦弱或遠方出送闕點人並皆論罪  
又宣德九年受教內借馬人知情不告牌頭小牌並移開刑曹  
論罪然無故闕點人則無論罪之法不實馬及借馬之罪重而  
闕點之罪輕故軍士之無馬者故不逢點因此軍卒不精請自  
今無故闕點者亦論罪定他軍役從之○對馬島宗彥七貞  
國遣人來獻土物例賜米豆并十五石○議政府據兵曹呈啓  
今趙璞曾孫永達孫興宗孫仲義等上言請依具宗秀李續黃  
居正子孫之例赴甲士取才臣等以為永達仲義俱是禁錮子



孫者之後不可聽理。從之。○戊午命都承旨李季旬議于政  
府曰：母后皇考載諸英陵碑文不可無職。故前日令大臣  
議之，衆議不一，故未得還。與職牒予非強欲與之，但碑文一刻  
後世難改，其更議之。左議政皇甫仁以為沈溫之罪無他，欲令  
軍士屬於世宗耳。古人云：子弄父兵，罪當笞溫之罪，固非謀  
反之比。特太宗嚴法以示人耳。臣及聞太宗之教曰：終當  
改之。世宗亦言：後當追改。今不可不還。職牒左叅贊安崇善  
以為：臣嘗為知申事，啓曰：國母有爵，牒國舅不可無職。牒世  
宗密令臣抄義禁府獄辭以進，其獄辭云：臣本武人，意欲領兵，  
故如此云云。世宗曰：不可急遽姑舍之，以俟後日。其後臣再  
啓傳教，又如前。臣前日看碑文以為不可無職，銜未敢上聞，宜  
還職牒。左贊成金宗瑞以為：世宗嘗問安氏喪禮，臣以為溫  
之罪非為他姓，只欲以兵權分屬於上，豈桀安謀反之比。臣  
言非諛也。其時世宗重太宗之論，未敢遽改耳。碑文不可  
無職，銜當還。職牒右叅贊許訥以為：前日之議實自臣起，溫之



情不在於他只為世宗耳但按覈之際威脅具獄不得明辨未可專以謀反論也宜還職牒右議政南智以為溫之受罪臣及知之固非永世不赦之罪前日之議臣未及知臣意以為終當還賜昨見碑文與金宗瑞議曰宗室婦翁之無職者尚皆追贈載在碑文况以國舅未得書已行職銜豈不為歉况碑文一刻後世難改乎今日下教正合臣心上即命吏兵曹還其職牒○議政府據兵曹呈啓先是以安山郡草芝梁萬戶營為水淺洲身難於泊船移營于沙串今沙串又水淺難以泊船且與濟物梁不遠不必置戍草芝梁則本海寇先入之地而今復水深洲沒可以泊船且距昭陵為近宜置守禦請還營草芝梁從之○己未開城府留守竒虔啓今府內流移人還本者五十餘戶本皆貧窶者也雖還本土累年流離產業益窮若依正統十四年受教只限一二年復戶則數年之內必不營生安業請加一二年復戶命下兵曹○庚申諭平安咸吉道都體察使從事官曰穩城鍾城兩邑城曾令及今秋築土城然城基有移



定處且軍人數小今年似難訖功欲更遣都體察使審定然後  
築之爾等但令已赴軍聚石於兩官舊城近地役三十日而其  
石灰及甌亦皆檢察燔造○議政府據刑曹呈啓義昌君家奴  
李山居綾城縣詐稱本宮奴與船軍金末生爭田訟于官守方  
拿問山恚拳歐末生于庭守止之山遂極口辱罵按律罪當流  
雖已經赦不可不懲請全家入居于平安道邊邑 上曰此人  
之罪非元惡鄉吏之比事又經赦坐以此律可乎承政院啓以  
下陵上之風漸不可長犯如此之罪而會赦者全家入居舊例  
也不可不入居 從之○傳教集賢殿曰欲令赴京使臣買書籍  
之切於觀覽者磨勘以啓乃以東巖周禮儀禮經傳通  
解續儀禮集傳集註通志中庸輯略資治通鑑總類通  
鑑本末宋史朱文公集宋朝名臣五百家播芳大全文粹續文  
章正宗備舉文言宋朝名臣奏議等書以聞命付令去使臣之  
行貿易以來○辛酉平山都護府使朴欽辭 上引見曰本道  
失農然不如丙寅丁卯之甚徃勤撫恤農事水利甚大新築堤



堰則固未易就其舊有者常加修築以備旱乾○司憲府啓沈  
溫得罪於先王今還與職牒於義何如上曰非予斷其可否  
也復啓曰此事以情論之則可矣然溫之犯罪在世宗即位  
之後太宗豈不審度而處之世宗在位三十餘年終不與  
之亦豈可與而不與乎今還與之其如公義何上曰人皆有  
偏處予於此事非自謂善處之也取朝廷公論耳且當時親見  
其事老大臣之言不得為公論而新進小儒之言乃為公論耶  
此議甚謬恐他事亦然也○壬戌兵曹啓今既合三軍十二司  
為五司上大護軍護軍令各領率軍士然無勸戒之法則怠惰  
者或有之請自今本曹同三軍都鎮撫考其巡綽仕日及巡綽時  
捕盜多小領率能否錄褒貶等第啓達陞黜又領率護軍入直  
與軍士晝夜同處旗麾指點金鼓進退之節常講習曉諭其軍  
士都目遷轉時仕到亦令考察磨勘大小行幸鍊軍士山行習  
陣放火之時常令學領俗謂獵曰山行又行幸時銃筒衛領率  
護軍帶弓箭侍衛銃筒衛如有失伍離次者隨即糾察從之○



癸亥司諫院啓仄聞平安道義州今年所築之城半已圯毀前  
此各官城雖或崩頽守令率皆匿不以聞私竊築之今乃上聞  
者必其崩頽太多不得已耳請遣朝官審視治監築官吏罪又  
黃海道則都體察使時未上來咸吉平安道則築城之役方興  
使者亦多江原京畿則年穀不登請皆勿遣損實敬差官 上  
曰義州城已遣人視之敬差官則汝等之言然矣即命吏曹勿  
遣敬差官于黃海平安咸吉道○傳教承政院曰辛左叅贊鄭  
甲孫葬以何日乎其考前例給造墓丁夫都承旨李季甸啓右  
贊成鄭奉語臣云舊例唯一品以上國庀葬事然有功德於民  
者特加恩禮古之道也甲孫平生不以一片簡與人干請計活  
零丁略不芥懷今當治喪力不能贍良可哀也若甲孫者雖無  
汗馬之勞世皆稱賢宰相須加恩數以旌之昔恭愍王朝李岡  
以樞密卒禮不得賜謚特賜謚文敬曰文敬之稱惟岡足以當  
之且朝官死在頒祿之月則例皆受祿今甲孫卒於六月例未  
可受祿然當頒祿時未適任宜並給祿臣聞之未敢落臣意以



為國葬大事不可容易只可給今朔祿 上命官給造墓丁夫  
一百五十并給祿○上謂都承旨李季旬曰予欲除舅氏官爾  
意以為當授幾品對曰本朝故事外家有封君者然不可驟除  
高官姑據六典正一品子授正七品之例除敦寧府丞以次而  
陞何如 上曰予欲授堂上官否則當授四品其考故事季旬  
遂書故事以啓曰神懿王后外家韓成已封嘉善安山君諱劔  
以書雲判事拜嘉善安川君韓昌壽以護軍拜嘉善安原君此  
三人皆 恭靖大王即位封拜者也韓隆田 太宗朝除檢  
司宰副正 世宗朝詔授資憲知敦寧府事 元敬王后外家  
閔無咎定社功臣以嘉靖摠制封驪江君閔無疾亦定社功臣以  
左副承旨拜嘉靖驪城君閔無恤以奉正禮曹議郎拜嘉靖驪  
原君閔無悔以判通禮門事拜嘉靖驪山君前漢文帝竇后兄  
長君弟廣國字少君絳侯灌將軍等曰吾屬不死命且縣此  
兩人不可不為擇師傅乃選長者之有節行者與居由此長君  
少君為退讓君子不敢以富貴驕人文帝崩景帝立乃封廣國



為章武侯長君先死封其子彭祖為南皮侯後漢樊宏世祖之  
舅也宏為人謙柔畏慎不求苟進嘗戒其子曰富貴盈溢未有  
能終者吾非不喜榮勢也天道惡盈而好謙前世外戚皆明戒  
也保身全己豈不樂哉建武五年封長羅侯臣竊惟前日以舅  
氏除職事下問於臣臣對以宜據六典一品子授七品之法初  
授正七品敷寧府丞以次而陞上曰欲除堂上官否則除四  
品職其考前事臣謹考本朝封君歷代多有封者由茲以觀舅  
氏終當除授崇品且前此大君之婿亦有初授叅上者况以舅  
氏而除叅外之職乎臣前所陳乃援引一品之子之例此臣之  
謬計也然初授堂上官臣心以為未安外戚之家雖歷代封侯  
然古今異宜不可盡從也本朝則封君然已立宗室嫡長及功  
臣外不得封君之法此則終不可行也歷數本朝外戚之封君  
者安山君前職之有無不可考其餘則皆有前職以次而陞無  
有無職而一朝驟陞者也獨韓隆田以檢副正驟陞資憲此則  
隆田年老不得久仕于朝故也今舅氏年富以次而陞猶當久



享高位安可汲汲乎且以積屈之餘一朝驟拜堂上官則臣恐人皆驚駭亦恐臺諫論請不已此非好事大抵人情驟貴未有不驕竇君樊宏之能保全終始而垂名後世者以其不驕而畏慎故也今之舅氏抱屈三十餘年暫無生驕之疑然古人云位不期驕驟登高位豈可保其無生驕之萌乎此則亦非舅氏之好事也臣願初除之職自六品以上議于大臣酌其高卑而除授以次而陞馴致堂上官則人無驚駭之心臺諫無論請之事矣古人云后舅之家但當養育以息不當假借以權乞依此語毋除權要用於敦寧府以盡親親之義亦臣之願也伏惟上裁○議政府據禮曹呈啓生員李孟謙嘗歐獄卒擅開門鑰陵辱所居官守令幸蒙恩宥入居會寧今乃上言欲赴科舉請勿許赴試從之○甲子太白晝見○視事輪對御經筵○肅川都護府使孫蕃熙川郡事魚自淵三和縣監崔渚江界判官閔孝源辭 上引見曰本道防禦最緊雖當無事益嚴武備○慣習都監啓前此傳旨云大祥以前毋得習樂今樂工之習知新樂



者不過數人舊樂亦累年不習則恐 祔廟之後新舊之樂皆不足觀也且樂工遶兒職只計仕日多少授之故無才者亦得受職請依雅樂署取才例勿令合奏一一獨奏擇其能者授之又妓之能記新舊樂歌詞者亦不過一二人亦令獨調肄習不久○知成均館事金宗瑞啓本館聖殿東西廡及東西齋皆兩漏欄檣亦頽圯垂盡廟貌無光况聖殿鉅屋一毀難成宜速並修葺但近者國家多事未敢啓耳若以津寬寺蓋覆餘瓦合本館舊蓋互用之足矣但寺瓦不可用於聖殿請以東西窰牙鍊瓦改蓋且聖殿南門踰為神門今藏樂器實為雜糅亦別造三四間屋以藏樂器泮水又皆填塞并浚之且養賢庫專為養賢而其奴婢屬尚衣院者頗多 太宗朝有一小婢侍前問曰女何司婢乎對曰養賢庫婢 上曰養賢庫奴婢予安敢使之即放出臣願養賢庫奴婢屬尚衣院者除緊要工匠外並還本庫 上嘉納之○司憲執義朴彭年啓曰古者史官皆在人主左右以記言動今在楹外風雨之日尤未便請令入處左右 上曰風



兩之日宜令入處若平日則已有成規不可更改又啓大臣於朝啓先出其後議論未得與聞甚非古者面相咨訪之義上曰何事不得與聞所不聞者特小事耳○蕪成均大司成鄭麟趾啓舊例五部學堂生徒每一人供米一升故不家食而留宿讀書者頗多近來減一升之米遠方來學者或有桂玉之憂遂還鄉里試以五部常養之數筭之積一日一升終歲僅千餘石耳請依舊例養之上曰日供一人一升豈其多乎仍舊為可○乙丑命召政府議曰遼東之馬軀幹壯大聞義州邊民私相貿易者頗多國家亦往買良馬俾易種子我地何如僉曰邊民互市姑置勿論國家不宜私買頃者連山把截鎮撫許澄以不檢管下人賣馬杖八十充軍斯可鑑矣且中國戍卒之馬率皆官馬倘有謀利者賣之從而市之一朝敗露則皇帝必以我為私通邊境而譴責將何以答之上曰通事往來遼東常貿易帛此獨不可乎僉曰中國方務防禦以馬為重雖求之未易得也况中國亦無馬需索於我則良馬之在遼東者幾何此事



不易為也。上曰：各官土品等第之議，不一將何處而可？左議政皇甫仁對曰：今貢法每一邑北面下熟、南面上熟，則取中數，不論肥脊，皆以中等收稅。民怨益深。先是漕轉租稅僅千餘石，今至三萬餘石，此出何地而倍數乎？臣嘗聞頃者南方田品，敬差官等自言吾輩所等第者，從事官詰之曰：是何歇耶？巡察使又脅之曰：是何歇耶？衆責隨至某等，非不知過中也。迫於條令，有沮洳之處，皆第以上等勢，不得不爾。甚者作詩誹謗，聞之可為於邑也。臣願今年姑從四面等第之議，寬民一分。僉議亦同上。曰：雖若此，其病民則一也。僉曰：四面年分比前稍精，異民受一分之賜。上曰：予更商量。又曰：倭人寓居各浦者，多日以滋蔓慮，或暴橫者，生釁構禍，何以處之？京外褒貶，輕歇或既貶而復用，若京官則猶可諭而正之，至於外官固難得中，何如則可？凡訴訟者，喜告誤決甚者，或至十告而不已，詞訟日煩，無乃有再告之後，毋得更告之法乎？僉曰：倭人則世宗朝推刷定數，今與禮曹考例以聞，褒貶則更無他術，仍舊為便。既貶而復用。



者以其舍之而他求固不可得也訴訟則果誤決耶雖十告何害仍舊似可 上曰沈氏已受職帖今欲叙用子孫因歷數本

朝外戚韓閔等數人除授品秩及前代故事曰今沈氏子孫倣於何例始於何品歟仁及右議政南智左贊成金宗瑞以為沈氏嘗有變故似不可與韓閔例論姑依六典一品子孫除職例以七八品隨宜除授左參贊安崇善右參贊許詡以為參上官祭三代例也宜授嫡長孫參上衆子參外 上曰非欲使外戚

任事權也元舅所當尊敬豈可拘於常例而授參外乎予意以為除五六品可也僉曰職秩不宜驟高漸次陞遷然後庶得便於自己合於人心仁曰古人云升高必自卑行遠必自邇宜從前議除七品宗瑞曰今非以七品為限但開仕路耳始自七品一年屢遷何難之有命都承旨李季旬就領議政仍令致仕黃喜河演第議之演曰其時定溫罪事畢後李原柳廷顯朴訔入在 太宗前臣亦以知申事在側嘗曰中宮寂寞奈何 上曰予已知之又曰知申事陪 主上還去其後議論有無臣未知



也日已昏宦官崔閔來見臣以 上教問曰爾聽朴公之言何如對曰臣以嘗言為不是也 上曰爾以為不是何也對曰此事皆依律文區處律文有同居不同居之分其後事臣未敢知也今 上教云元舅所當尊敬誠是也然先王處此事甚鄭重豈可一朝驟授高官也姑依六典正一品之子例初職毋過正七品為便喜曰前此議論臣未得聞但當尊敬不任以事何必拘等級耶授敦寧府之職以三品為始無妨 上曰知之○諭咸吉道都觀察使曰上林園啓今歲本園梨樹專不結實難以供薦新進上及大小祭享道內官家有結實處隨宜備進勿強索民間大抵如此需索之物皆是常供之外若必欲得之則或分定民間奔走誅求物價騰踊一顆之直幾至數斗奸吏夤緣侵虐百姓公用甚少而民弊不貲如不易得則可勿進







(B)  
732.55  
4724  
[v.5]  
no.4  
0163729

昭和五年九月廿五日印刷  
昭和五年九月三十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社



(B)  
732.55  
4724  
[v.5]  
no.4